



天下名家詩觀選目

卷之三

申涵光 直隸

王崇簡 直隸

梁漸標 直隸

楊思聖 直隸

魏裔介 直隸

李 燾 直隸

傅維鱗 直隸

王 鑑 河南

張文光 河南

趙 賓 河南

宋 琬 山東

施閏章 江南

嚴 沆 浙江

陳祚明 浙江

胡承諾 湖廣

余 懷 江南

釋空是 湖廣

張 棗 江南

萬斯儔 浙江

韋人鳳 浙江

吳 崑 江南

韓 魏 江南

桑人豸 江南

季開生 江南

曹貞吉 山東

朱淑熹 江南

陳志紀 江南

孫百觚 山東

章耿光 江南

汪士裕 江南

共參拾人總計詩

萬

余

李

趙

宋

李

趙

宋

李

趙

宋

李

趙

宋

李

趙

宋

李

趙

宋

李

卷之三

詩觀三卷目錄終

詩觀初集

東吳鄧漢儀孝威評選

同學宮偉錫紫陽泰閱

申涵光 孚孟江南直隸人

昔在

昔在癸未秋初與燕市別先公隱間署清風灑冰鐵維時疫

癘興往往衢巷絕城門隘廣都遙望晝雲咽予病難久羈欲

歸憂悒悒恍惚辭膝下不謂成水決龍去海波枯山摧良木

折白水明素心遠映靈筠節偷生息隴畝蒨鋤安蹇劣重來

踰十年出入非昔轍舊宅餘教勃縱橫亂行列孰是攀髯地

流涕尋碧血。芘皇白日昏。鳥鳴難壩說。笳鳴牧馬歸。緇塵帶

飛雪孤燈簫寺中夜半聽啼鴉

忠節騎箕之烈與日月爭光此詩鋪陳事實字字不

苟當為不朽之作

邯鄲行

西風吹落葉。馳驅邯鄲道。邯鄲兵火後。人家生白草。我聞邯鄲全盛時。朱樓銀燭不識曉。越女臨窻調寶瑟。樓前走馬黃金羈。卽今富貴皆安在。惟有西山青不改。不見遊俠子。白日報讐飲都市。亦不見壚邊倡。華袿鳳髻明月璫。舊城寥落荆榛裏。樓臺粉黛皆茫茫。城邊過客飛黃土。城上憑臨日正午。照看池畔落寒鴉。不信此地曾歌舞。探數沙丘去。不廻霸圖壘。消歇更堪哀。邯鄲之人思舊德。至今猶上武靈臺。頓挫抑揚皆與

古會在嘉州常侍之間

春雪歌

北風昨夜吹林莽。雪片朝飛大如掌。南園老梅凍不開。饑鳥啄落青苔上。破屋寒多午未餐。擁衾對雪空長歎。去歲雨頻禾爛死。冰消委巷生波瀾。吳楚并乾江底坼。北方翻作蛟龍宅。豪客椎牛晝殺人。彎弓笑入長安陌。長安畫閣壓毘瑜。獵罷高縣金僕姑。歌聲入夜華燈暖。不信人間有餓夫。胸有本領

不徒以風雅勝人

遣興

荒臺憑晚眺。樹裏帶衡漳。網集潭魚急。天空塞鳥長。遠山供屨杖。落日澹行藏。不用移文請。平生一草堂。  
獅子腦訪殷伯巖

昨日郡中望此峯。當夕陽撥雲尋逸老。踏雨到山堂。地隔烽煙盡。人傳我輩狂。試看空外雁。秋至已高翔。

山中回伯巖。送至馬服山。宿竹林寺。明日別去。

曉日浮高塢。雞鳴野殿開。下看林外路。昨夜此中來。砂石搖

洛水。風煙隔相臺。共餐松屑罷。分手各遲回。

風格散朗

雨後林慮道中早行

曉渡青泥坂。秋花亂馬蹄。不知山寺近。漸覺遠村低。萬事驚

鞞鼓。孤雲入杖藜。蕪門高卧處。為訪碧峯西。

想路清微不獨遣調之亮

井陘有淮陰

嗚咽城邊水。猶疑戰士魂。韓祠何日始。孤碣至今存。車馬迷

山霧。牛羊入縣門。一燈茅店裏。懷古向誰論。

以壯起以悲結詩特矯甚

輓張尚書湛虛先生

遺老如弓劍。吁嗟今漸無。生猶名作累。歿定血先枯。故關追

龍馭。我寇對鼎湖。晚來益寂寞。百里撫墳呼。

以此輓尚書字字血淚

寄懷孫鍾元先生蕪門

結屋依泉樹。鬚眉見古人。衰年仍向學。薄俗自相親。萬夙扶

鉤。黨孤忠有逸民。近村成井邑。半是舊比鄰。

字字是夏峯實錄

寄西山張覆輿王都鄰殷伯巖張上若

蒼葭白月繞寒城。萬里霜飛旅雁驚。欲向山園尋綺季。誰從

土室問袁閔。空餘慷慨猶多事。不廢謳吟亦近名。方外草深

天地在。即今何處聽秋聲。

集飲南園

郭外風吹楊柳新與君同醉臥沙茵時方多忌歡娛少人自  
無營笑語真隔岸黃鸝呼載酒滿溪春水待垂綸年來烽火  
吾徒在花發重來何厭頻

詩不徒紀景物要須有見道之語領聯字字刻至當屬必傳

答王祭酒敬哉先生

沙吹碣石斷飛鴻千里霜笳夕照中我自孤筇尋澗草君從

惟○祭○酒○可○以○當○此○

雙闕詠秋風天涯烽火寒暄隔午夜悲歌出處同待到功成

黃閣後宵將漁父作隣翁

一字不諛見兩公之古處

靈巖寺

雲外笙簧擁碧霞遊人爭看鐵袈裟虛岩白映山南日老菊

黃垂洞口花溪水過橋喧鶴鶴松根出石走龍蛇飛梯萬仞

棲真地可許尋源問鹿車

此首獨雄拔出羣絕類北地

齊河道中

河流頻入汶陽田大國笙竽憶惘然百里豺狼鳴白晝誰家

雞犬臥寒煙黃榆亂塞門前路赤地猶橫隔歲船為報遺黎

應努力軍需方急水衝錢

是盟抗懷高蹈而關心民瘼如此孰謂處士不足與語天下事也

出都前一日社集龔孝升先生龍松館分韻

十載垂竿愧隱淪暫來京國益酸辛人情漸覺悲歌少酒客

依然意氣真塞外霜高迴雁影松間月小照龍鱗明朝匹馬

燕南路冰雪將無念遠人

獨抒肝膈斯謂知己他人但作酒肉帳簿耳

長安曲

鏡面貂鼠裘獵歸古北口相逢各相抱馬上遞煙酒

情事以真

郊夕

長堤下。暝色月出野塘虛。何處蒹葭響。煙中人打魚。

筆墨入化

殷睢寧伯巖棄官北歸

解薛南遊忽二年。怪來鬚髮老河邊。故人零落行將盡。與子重逢亦偶然。

感慨係之。伯巖為睢寧令。晁盟促之。歸休。殷即拂衣歸里。兩公真古人也。

飲野人草堂醉後汎舟漳浦

孤村雲木隱龐公。紫蓼蒼葭小徑東。多少樓臺隨雨散。獨將茅屋待秋風。

喚醒世人

寄懷路妹婿吾徵

風雨難招客子魂。浮家萬里臥江村。姑蘓臺上應回首。白日

寒煙是藺門

去右丞何遠

題人野亭

溪上孤亭草樹幽。月明常醉木蘭舟。門前處處秋瓜滿。猶恐人疑是故侯。

有意

黃花谷

竹杖尋源入上方。滿山榭葉晚蒼蒼。亂碑零落遊人少。一道飛泉下夕陽。

幽冷欲通毛髮

溪上

微霜昨夜下庭槐。水畔閒登萬里臺。兩岸蘆花飛白雪。午橋煙裏一舟來。

一幅好畫

雨後

雨後看花踏錦泥。殘雲猶傍古橋西。黃鶯也解留春色。只在棠梨枝上啼。

送人

水國陰雲落塞沙。故人匹馬向天涯。此時薊北春將晚。一路風吹楊柳花。

離情惘惘 正在此際

寄冀襄陽公治

河朔音書隔楚煙。十年無淚拜啼鵲。仲宣樓上休南望。細雨蒼梧亦可憐。

不必說明

燕京卽事

地爐朝進白羊羹。處處霓裳聞錦箏。賜得紫貂新暖帽。御橋霜滿駱駝鳴。

移來內市傍松寮。阿殿聲回散早朝。拚得金錢矜意氣。素磁爭認舊哥窑。

山前兔急雁飛號。黑霧黃塵落毳袍。獵罷歸來催夜飲。江南少婦解弓刀。

不忍再讀

汎舟明湖

女牆倒影下寒空。樹杪飛橋渡遠虹。歷下人家十萬戶。秋來俱在雁聲中。

宿靈巖寺

雲屐初從泰嶽還。石林斜日草堂閒。上方鐘定無飛鳥。一片秋聲葉滿山。

鳥盟諸絕俱 蘊藉風流

王崇簡

敬哉直隸宛平人 青箱堂詩

山中

閑院闕音響靜然春照林好風從谷來片雲吹微霖朗懷媚  
幽獨空香集衣襟。堦前姿羅葉十日綠成陰晴光澹澹高一  
鐘。搖暮岑松聲悅石魄煙飛山更深。  
純是靜氣如  
深山道流

秋暮借兄弟夕至玉泉

坦步宜溪徑逢幽且坐眠濕雲寒帶雨膜水澹浮煙葉下飛  
殘磬僧歸涉亂泉。秋尋于此始霜影照高天。  
秀而  
健

晚過趙長公次公村居憶尊公黃澤

日落煙光合寒原逐鳥迴旅人燈下至霜雁月中來草色依  
村立柴門隔水開所思在夙昔惆悵有深哀。  
自○然○娟○靜○

送宋玉仲歸萊陽

寒日飛沙白何堪歲晏情河橋紆馬跡風雪妬雞鳴聚散渾  
難定乾坤自不平海天容醉眼好自樂餘生。  
無○窮○感○歎○

與四弟企也張甥輯五感幼時讀書山寺家園事

昔時攜手處孤寂喜依禪明月無前代青山識少年僧歸鳴  
夕蒼鳥下破荒煙每就溪橋坐泉聲去雁邊。  
高○調○

寄贈申鳧盟

秣陵雲擾後寤寐憶君多吾道存薇蕨風塵亂薜蘿遐心棲  
大麓清夢越漳河何日借瓢笠幽巖聽浩歌。  
深○思  
高○調

送周農父

蕭○然○無○不○可○四○海○一○書○生○今○古○懷○多○恨○風○塵○快○獨○醒○年○來○無  
舊業何處可歸耕煙雨青山外悽涼憶去程。  
格○法○渾○成○自  
屬○盛○唐○高○響

寄赤豹

行○遊○依○何○處○蕭○條○歲○序○過○蘆○中○誰○寄○託○土○室○漫○高○歌○雙○屐○尋  
○含○蕭○  
幽○倦○孤○帆○閱○世○多○清○宵○聞○漏○曉○尚○否○憶○鳴○珂  
○委○婉○深○厚○  
風○雅○正○傳

送高璉佩假歸

楊○柳○依○依○燕○子○斜○春○風○落○照○動○悲○笳○多○君○善○病○諧○初○志○笑○我  
無○謀○未○有○家○間○院○簾○垂○三○徑○草○小○樓○門○閉○四○時○花○驚○聞○啼○鳥  
相○思○處○應○憶○燕○山○望○暮○霞

九日和李吉津

鳳○沼○煙○迷○蕭○后○臺○徘徊○幾○欲○陟○崔○嵬○風○吹○落○木○秋○聲○壯○雲○散  
高○天○雁○影○來○舊○苑○半○隨○荒○草○沒○西○山○猶○向○夕○陽○開○登○臨○莫○作  
傷○心○賦○籬○下○黃○花○照○酒○杯  
九○日○詩○須○以○高○涼○悲○壯○抒○其○懷○抱○此○作○何○遜○少○陵

姚若侯至感贈

側○身○天○地○歲○時○遷○豈○意○重○逢○北○斗○邊○萬○里○風○波○雙○眼○內○三○年  
○在○此○○句○內  
悲○喜○一○燈○前○獨○宜○縱○酒○聊○諧○俗○何○處○狂○歌○可○問○天○莫○向○帝○城  
○仍○說○不○盡  
懷○往○事○五○陵○庭○榭○半○荒○煙  
情○意○藹○惻○格○力○又○極○高○超○此○為○絕○調

九日青壇體舜吉津偕登道院樓

仙○祠○寂○寞○一○樓○開○恰○有○幽○尋○勝○侶○來○節○序○幾○人○能○汎○菊○乾○坤  
吾○輩○尚○登○臺○九○重○宮○闕○天○中○起○萬○里○峯○巒○西○北○迴○極○目○飛○鴻  
秋○色○遠○蒼○茫○何○處○是○蓬○萊  
感○慨○不○露

新秋感興

門○閉○清○秋○感○慨○生○側○身○天○地○倍○含○情○非○緣○古○道○多○妨○俗○自○是  
○婉○○甚○  
今○人○不○好○名○憤○世○漆○園○齊○得○喪○違○時○賈○傅○誤○公○卿○可○憐○萬○事

空回首獨立蒼苔月正明

憶昔何人秉國成。甘泉烽火歲頻驚。盈庭聚訟惟鈞黨。伏闕

求官藉論兵。坐使威權歸北寺。遂令盜賊躪西京。五陵豪貴

皆塵上。日暮青燐徧野橫。追維往事正使王夷甫諸人不得不在其咎

殉國會聞有數公。犯顏敢諫向來同。衛宮幾見楊文義。伏轡

誰為嵇侍中。荆棘荒涼悲夜月。蟪蛄哀怨弔秋風。至今箕尾

光難滅。古木寒煙恨不窮。○恤○典○可○為○雪○恨○ ○起○甚○偉○歷○足○匹○少○陵○秋○興○

漁陽秋色照桑乾。日暮沙飛雁度難。御苑金莖迷細草。上方

銀漢挂闌干。西風欲訴明妃怨。千載空歌易水寒。悵望高天

成太息。數聲清角月中殘。偉議危詞可當奏疏可入史論如此始為不負風雅

梁清標

王立蒼巖直隸真定人

閒居

矯矯雲中鶴。泛泛沙邊鷗。翱翔在閒曠。於世將安求。嗟彼九

秋鷹。參駟綠臂鞬。四顧事搏擊。所性良不侔。東華十丈塵。袞

袞多貴遊。人性善陰陽。倏忽恒戈矛。余亦淡漠人。胡為辭林

丘。歎段勉驅馳。偃偃靡所投。宦薄名不彰。太息傷蜉蝣。安能

違素心。勞生來怨尤。田園幸未荒。西郊有青疇。新雨稻稔熟。

水榭迎早秋。高樹喧鳴蟬。清池泳輕儵。何時謝塵纓。十畝長

優游。吁嗟邴曼容。寂寞養立修。情懷抒展而音節蒼雋固足高睨陶謝

郊獵篇

朔風獵獵吹原野。小隊射獵東城下。健兒身手捷如飛。少年

錦裘紫駟馬。沙黃日白霜草枯。仰視鴻雁浮雲徂。笑彎角弓

擬霹靂溪邊驚起雙飛鳥。狡兔古云有三窟。何為爰爰走寒蕪。蒼鷹決背臂鞬脫。毫毛灑地血模糊。合圍馳逐二十里。遙見空天皂鵬起。狐狸絕跡林鳥稀。纍纍一騎黃塵裏。太行積雪如瑤宮。斷橋冰裂響流水。翻身欲入邯鄲城。舉鞭笑指新豐市。市中有酒瀉葡萄。相逢皆稱邯鄲豪。解鞍覓石敲新火。入肆開鮮試寶刀。丈夫不能佩斗印。且須落拓飲醇醪。醉歸連轡炬明滅。夜看星辰太白高。

作之

秋懷

河水縈殘堞。西風雁數行。角弓鳴朔漠。突騎發漁陽。綠野無畊土。黃雲有戰場。屢愁京觀築。塢壁自飛揚。

感興

千里飛沙急。乾坤嘆不支。山空牧馬日。霜落用兵時。西極蚕叢險。南州翡翠遲。大風連朔漠。猛士亦堪思。日麗開丹宸。星輝動玉衡。禱祠還海岳。鍾鼓自周京。初識龍鱗影。重高虎觀名。曾聞勤遠畧。池水象昆明。鴻雁關河起。低徊念爾勞。輓漕艱玉粒。仰屋數秋毫。野照青燐遍。星懸太白高。縱橫嘶怒馬。獨見五陵豪。

正于整麗中  
妙有藏蓄

送張月征年兄還金華

落日班荆後。秋風挂席初。山中宜著史。闕下莫陳書。暮雪嚴陵瀨。澄江張翰魚。君無傷落拓。出處竟何如。

落句可謂貌  
不齊而神傷  
慎墨堂篋

寄懷王敬哉年兄

兩○年○聯○珮○鳳○池○頭○把○臂○論○交○想○勝○游○花○下○開○樽○頻○問○字○月○中○  
聞○笛○醉○登○樓○故○人○魚○素○經○時○隔○大○陸○風○煙○入○暮○愁○三○徑○知○君○  
長○自○掃○可○能○寂○寞○憶○羊○求○  
唐人佳處往往得之自然有意刻畫則失之如此作全是風神

掩映

送胡韜穎年兄還太原

北○風○黯○淡○促○歸○裝○送○爾○臨○岐○泣○數○行○鮑○叔○敢○言○知○管○仲○漢○廷○  
未○許○訟○陳○湯○雁○飛○河○朔○塵○沙○白○日○落○燕○山○草○木○黃○國○士○有○懷○  
應○不○減○匣○中○龍○劍○拭○清○霜○  
悲歌慷慨是擊筑本色

送公美兄之禮縣任

早○從○齊○魯○奏○琴○聲○又○送○分○符○塞○上○行○折○戟○木○門○沉○戰○壘○駐○鞍○

桑○落○醉○秦○城○笳○吹○隴○月○邊○烽○息○雪○盡○華○川○春○草○生○兄○去○不○須○  
○結○真○是○難○得○ 悲○遠○宦○伯○鸞○家○世○本○西○京○

送宋玉叔僉憲之任隴西

東○歸○海○上○春○雲○起○西○望○河○源○隴○樹○賒○使○節○入○關○占○氣○象○荒○原○  
轉○戰○幾○人○家○風○清○部○曲○傳○朱○鷺○吏○散○生○徒○倚○絳○紗○到○日○羞○兒○  
爭○慕○義○戟○門○醉○舞○白○題○斜○  
攬○轡○何○如○五○岳○遊○美○人○開○府○古○秦○州○蒲○桃○歲○熟○催○春○釀○烏○鼠○  
山○空○隱○郡○樓○磨○洗○碑○苔○懸○日○月○淋○漓○楯○墨○想○風○流○為○郎○回○首○  
雲○霄○上○觴○策○寒○聲○起○暮○愁○

新秋感興

登○樓○擬○賦○久○蹉○跎○鄉○夢○搖○搖○到○碧○蘿○別○浦○芙○蓉○仍○窈窕○小○山○

掛樹自婆娑。天空青嶂騰。鵬鶚草長高。原放橐駝秋稼未登。  
禾被野。猶煩士馬守黃河。  
聖歎論詩四句一截此詩上四句說鄉思下四句說時事格法最細

疎燈細雨不成吟。庭露淒清拂素琴。濁酒自憐俠骨在。尊羹  
遙隔戰場深。數行賓雁陰陽候。十載江關去就心。風急高城  
哀角起。步檐搔首欲霑襟。  
秀○警○

古意

邊城戍卒枕琯戈。草白沙黃獵騎多。報道將軍行塞外。肩冰  
夜渡黑羊河。  
王龍標從軍行有此雄健

楊思聖  
猶龍直隸鉅鹿人

雪中東喬文衣

朔風颯颯枯樹響。連日雪花大如掌。泥滑街迷沽酒廬。夜寒  
燭冷讀書幌。喬子傲儻世無倫。偶來燕市逐風塵。僵臥禪房  
不肯睡。狂呼每使老僧嗔。興來落筆字如斗。一夜吟詩三十  
首。今晨重枉瑤華篇。囊錢盡盡涎流口。兀坐茅堂客思枯。把  
子奇文色甚腴。挑燈咏罷還復咏。冷冷哀聲扣珊瑚。吾有儲  
醕瓶未開。恐寒珍重待君來。相見不必勞相問。竟須一飲三  
百杯。  
悲歌跌宕似子美贈鄭虔畢曜諸篇

雪中送廉弟歸

北風獵獵朔雲屯。行子思鄉動征輪。僕夫在御馬在轅。欲別  
執手聲吐吞。河橋路凍斷行人。飛鳥無聲沒前村。望而不見  
徒逡巡。冒雪歸來獨閉門。含恨空齋誰與言。  
繁絃急管狀其悽楚

舟發錢塘看嚴陵一帶山水  
○水○經○注○  
峽東江流壯陰森別有天高峯虧晚照古竇沒寒煙客展雲  
○真○  
光濕人家樹杪懸平生耽幽勝未敢廢黃緣

寄懷殷伯巖

策杖同聽山寺鐘幾年相憶采芙蓉歸田真見陶元亮入洛  
虛傳陸士龍薄命一官仍短褐勝遊五岳有孤筇廣羊石室  
依然在他日苾鞋許再逢  
伯巖筇仕睢陽即拂袖歸邇年  
歷遊名山大尚平五嶽之典

猶龍一詩  
可謂傳照

送宮紫玄歸廣陵

相逢不惜勸加餐珍重河橋舊會難昔去風雲成想像重來  
○合○意○未○申○  
江海已波瀾短衣對酒休辭醉長鋏依人自可彈感慨如君

猶未遇漫因秋色憶張翰

霜吹涼月隱悲笳淚落窮途感歲華趨走頻年懷抱懶行歌  
○自○然○入○妙○

終夜夢寬賒孤蓬野墅人停棹細雨秋風客到家應羨草堂

多勝事旋開新釀醉黃花  
高秀輕脫  
似高常侍

卜築

一官蕭散會投閒卜築何妨近市闌病裏關門開古帙塵中  
驅馬見西山驚傳鄉信風濤惡愁聽軍聲道路難况值年光  
結亦道繁  
催雨雪猿啼鶴怨幾時還

過魏環溪可亭畱飲深談

萬點蒼山雉堞齊雁門關外草凄凄獨憐李牧還祠廟零落  
殘鐘臥澗蹊  
憑弔  
蒼涼

魏裔介 石生貞菴直隸補鄉人

夏日感懷

富貴多磨滅貧賤亦支離人生天地間倏忽如騰馳魯陽不可作誰能挽西曦惻惻烈士心常恐智慧衰榮名古所向修業當及時 令人動惜 陰之想

好鳥在樊籠不能翔與翔哲士沉下寮焉能遂賡颺仕路多

高足援手藉金張歲星照金馬執戟甘為郎叔夜遇非時多

才反致殃至人有愚色盛德貴深藏卓哉大易訓知柔亦知

剛

岫岵不可陟舊廬日關心百年未踰半素髮忽相侵聽聒鳴

高樹霞氣變遙岑感此懷怵惕中夜起長吟終當謝朱轂揮

手赴長林

音節亦似 左太冲

少者日以長長者日以老韶年高第人倏已為枯草世會遞

推遷非人所能造抑知物亂真自損致伐天欲以駐顏顏安

得安期棗寡欲而節食庶可延壽考

皆聞道之言讀之發人深省詩無關係可

不必作如此篇 真堪作座右銘

過楊忠愍祠

我行八月燕山道白溝河邊秋欲老堤平沙靜雲不飛易水

西來波浩浩道傍舊有椒山祠忠魂直上逼蒼昊拜瞻公像

起徘徊灑泣再讀擊奸草奸人殺公公不歿藏血化碧啼山

鳥茫茫星列是公精千年歲社敝蘋藻

正氣凜然讀之毛髮欲豎

園居卽事

為園依雉堞蒼鬱對羣山日落秋光淨雲空野鶴還移花渡  
曲徑激水下松關酒史茶經外餘生聊復閒  
泉石經綸具見此什

九日集樸園

移樽向高閣雲物晚來清煙外雙砧落霜前一雁橫寒山吞  
暮日流水匝孤城登眺悲今古長吟賴友生  
此詩烹鍊則傷氣疎落又

少意此中火候惟  
深心讀書者得之

過傅掌雷太史曉園

自有滄洲意蕭然三徑清藉花能醉客坐樹不妨鶯著述關  
風雨交遊念歎生濁膠君不惜一晤幾回醒  
胸有古今故性情迥別

喜辭若弟至都

兩歲昆朋隔棲棲未得閒有懷期對語相見一開顏秋色移

河漢鄉心落故山惟愁歸計迫長望碧雲還

轉折清老

送宮紫玄歸廣陵

秋盡寒山出羈人不可畱劍光衝暮雨霜氣冷征裘薊北黃

金貴淮南桂樹幽送君從此始濯足大江流

獲鹿道中過漢淮陰侯祠

望望行將夕孤城起暮煙沙深遲倦馬野潤響孤蟬鬼哭韓  
侯廟雲崩背水川明朝九曲路叱馭莫迤邐  
領聯妙在是北路移南中

不得

井陘西瞻白面將軍祠而歎之

趙將也與韓信戰歿  
土人祀之無姓名

漢軍輕轉戰天數豈能爭身歿井陘口人傳白面名亂山堆  
落日古木竄寒飈可恨左車子區區尚戀生  
老筆橫披千人自廢

燕九節同猶龍諸友游白雲觀

薄暮思無已登高覽廢城徘徊今日事慷慨古人情寺挾雙  
○字○妙○峯起雲留片雪明還丹如可就禽尚願同行  
○局寬思警備見識力

秋懷

秋雲冉冉暮庭草惜青光雨氣留空翠鴉聲落日陽攤書魚  
○落○字○妙蠹老岸噴酒杯香亦有竹林意何人是古狂  
○格法大方而鍊句更精故

為獨步

九日登崔府君廟

盤回曲徑陟崔嵬萬井憑臨亦壯哉鴻雁不來秋自老柴桑  
對酒菊重開丹房藥竈迷煙火古廟荒碑長綠苔惆悵夕陽  
人共醉霜天笳鼓不勝哀  
○矯○健○  
高嚴渾厚全從讀書養氣得來

春日過盧溝橋

桑乾直下連滄海天矯青龍控帝畿寥落長空寒過雁蒙籠  
煙樹曉聞鷄香山晴氣歸雙闕榆塞風霜上馬蹄咫尺五雲  
頻眺望春風已到薊城西  
○盛世完音一洗衰頹

燕臺秋興

西苑妝樓餘廢址世宗芝殿鎖荒芊不聞葛藟箴彤管空採  
丹砂羨倖佞太液晚波翻漢月曲江細柳動秋煙翠微北望  
諸峯杳古木龍鱗已有年  
○望古情深筆端蒼鬱

盧溝橋畔山煙積銅馬門前秋草隕畫角聲隨鴻雁度黃蒿  
城放橐駝回時艱欲上安邊畧圖拙虛慙作賦才嘆惜豪華  
成寂寞巖城風雨暮砧催  
○胸懷磊落直是高人一層

鄴城遺址

救趙會馳十萬師。信陵湯沐起人思。高風下士空遺壘。霸業傷心問酒卮。堤上人家餘野火。路傍翁仲傷枯枝。年年此去長安道。日暮荒城讀斷碑。  
其○光○熊○熊○可○以○燭○天○  
精悍無敵固子美  
詠懷古蹟之遺

李 蔚

坦園直隸高陽人

秋日寓感

余本躬畊士。早耽田疇樂。霜期滌塲後。百穀亦已獲。歲莫羣役休。雞犬偃林薄。隣里時招邀。濁酒共斟酌。世事若反掌。人境兩零落。昔歡百無一。長懷負夙諾。武備正未弛。誰能念藜藿。還瞻故里墟。寒莽宿饑雀。  
是魏晉遺音王儲正少此蒼肅

望惠山暝不克陟

弱懷結奇尚。遠遊欣必遂。當境何多乖。投緣似相避。惠山挺吳壻。一水入遥眊。佳泉耀茶經。夙聞已神醉。陂陀間高下。林壑布森邃。少歛雨餘雲。微辨煙中寺。騷騷南風逆。澹澹西日墜。暝色墊蒼茫。遠失諸峯翠。征駛束嚴程。愈信簪組累。遐期汎秋濤。庶滌山靈恚。  
繫情丘壑雖未登臨  
煙嵐已鬱勃紙上

曉

清日氣微肅。况當秋欲闌。平林薦初日。餘夢受新寒。苔露冷猶照隣礎。急稍安不堪。將短髻坐對歲華殘。  
薦字新矣受字沈警昔人

所謂吟詩要一字兩字工夫

磁州道中

計地逾千里。辭家已再旬。稍諳長路味。漸逼異鄉春。登頓玄

詩觀初集 卷之三  
黃馬棲遲風雨身望中驚物序柳色更關人  
大家數  
中藏稿

喜晤孫星衡

絕境垂天末君來却幾時南行同侶少北上逆波遲城郭矜  
榕樹盤餐首荔枝殊方驚物態一一費周諮  
矜字首字不易下

吳山樓寓

日映海門白潮生江氣黃乾坤此為客臨眺易懷鄉旅役查  
同汎雄風弩漫張一窺形勝地今古幾錢塘  
結矯甚  
英健

舟過崇德

京師浴佛憶今日愍忠寺會無由同初夏午增炎燠氣輕帆  
進拂東南風曬網漁婦跣白足采桑村姑提碧籠錢塘借問  
僅百里簇簇遙山是越中  
拘體却自秀潤

自杭往衢江行雜述

夢覺鐘聲識越鄉舟師發鼓下錢塘輕帆早起歸潮疾宿霧  
濃遮遠岫藏村舍細風吹麥熟林端蒸雨報梅黃殊方物色  
行看徧詎使離憂繫旅腸  
極切風土故琢句都別

登延津城百角樓

憑高縱目俯崇墉城勢環山濕翠濃樓迥丹青開百角浦微  
風雨見雙龍尊疊正慰時平日戍疾初消戰後烽北望雲深  
知魏闕愁生疊嶂蔽重重  
氣體高勝却又秀拔故佳

將發榕城畱別孫星衡

君先我至我先歸握手前期去任非萬里舟車窮海夢十年  
風雨故山薇漸蒼鬢髮時相失欲遠塵埃願共違別後音書  
高○岑○極○境○

詩見初集 卷之三 慎墨堂篋

何自達。閩南曾未見鴻飛。氣力極足

梁清寬 敷五直隸真定人

秋日過賈氏別業

秋氣橫園樹蒼茫。一逕開晴溪魚動日。深院鹿眠臺石淨。因風掃花飛逐鳥回。登臨堪極目好句自相催。秀潤居然摩詰

秋興

西山嵐氣望中浮。幾度關情向小樓。才匪文園偏抱病。懶同叔夜却多愁。無邊月色連天白。數點鴉啼大地秋。最是可憐風物換。等閒華髮上人頭。落落非異

傅維麟 掌雷直隸靈壽人

過石仲生齋看竹

懶我會多事。栽松始出闌。憐君青眼共。喜借綠筠看。雨色凝新翠。山光割暮寒。隔離纔數武。日得醉來觀。創處見其苦心

渡龍崗河

驅馬渡龍崗。初晴波益長。雨多新草綠。秋重遠林黃。城郭依沙岸。人家帶夕陽。不須生別嘆。猶自在吾鄉。看其矜琢處惜墨如金

掌雷詩多創闢如看竹煙鎖閒亭暮蕉分曲逕風冬月疎林凝野色一雁叫離羣雨急寒燈暗鶯啼古木高氣咽陵園暗風迴海岳青偶作春色驕青燕和風散綠楊朝行林疎葉落干山雨寒重鐘沈萬蝶風過襄陽鶴下沙汀秋欲老烏啼木葉夜初涼皆其造意寫象盡態極妍者也

王 鑑 子陶大愚河南孟津人

頽陰諸公約居少林寺

夏溪迴蘭若長薄鬱蒼蒼。愛此山情迥兼之瀑水長。蓮峯注

冥色杲日發孤光。紺宇切天居。洩雲行棟梁。性為山所得。念  
○領○謝○康○樂○不知  
茲不能忘羣賢。縱高談木石。煥文章。幽吟復高嘯。朝夕自相  
○發意蕭涼筆亦孤  
羊。迥元次山之匹。

哀洛陽故宮

洛陽三月春不新。惱殺洛陽看花人。舊時池館今不識。暮鴉  
啼破楊柳春。憶昔歌舞滿宮闕。結風裊雲不飛月。晴鶯曉樹  
春相引。錦幕流蘇香未歇。玉笙吹夜小星稀。蘭膏晚照靚妝  
衣。芙蓉寶幄金條脫。翡翠之裙蝴蝶飛。傾彩流光蕙為質。稱  
觥手捧半邊日。醉倒春聲瀉銀河。夜來不放星星出于午。賊  
來破洛陽。殺戮劫奪如虎狼。血清鑿輅埋灰燼。刀卷陰風入  
掖廊。土人拾得碎玻瓈。寶釵金鳳。泥黃泥。觚稜燒玉真龍歎。

章法次第

形容凄慘

榮楯裂錯鬼馬啼。曲徑猶認碧梧。遺墟但見狐狸蹤。日暮  
悲歌傷懷抱。拔劍欲起斫春風。春風無復人倚樓。泱泱瀝水  
○以○過○此○  
繞宮流。哽咽烏鳥不忍聽。日夕麋鹿上城頭。  
典麗似初唐  
飄逸如太白

緄山

緄嶺雲為路。盧巖水是屏。佛龕千丈白。石磴九層青。仙樹秋  
能變。鸞笙夜不停。半生塵與土。奚以答山靈。

秋日入燕都

又往幽州去。風淒木葉黃。火燒鐵塔寺。月落瓦橋霜。塞馬驚  
官驛。殘兵補箭囊。鄉關回望處。清露滿衣裳。  
畿南凋敝  
一一寫出

自雲中歸

愁心生白鬢。岐路出青山。馬帶秋雲下。人從閏月還。天寒風

人塞霜重夜臨關奔走終年事寧如桑者閒  
中藏稿 熟讀杜詩方能有此雄渾

仲春至陽和

春盡柳無色沙高路不經邊城日氣黑戰地血痕腥草灰收  
○異○響○駝子冰枯拾雁翎那堪塞上曲又向笛中聽  
○精○力○貫注

憶覺斯長兄入蜀

峽久旅程減山深秋色多蠶陵人出井巴字水成河木洞低  
○深○鍊○藏驛關門遠射波家園遙望處涼月上煙蘿  
○何○壽○  
○結○憶○字○意○法○老○心○細

春至陽和

春來無所事遍野盡沙丘石黑山成鐵風寒塞作秋土崖崩  
○有○光○戍壘獵火射城樓至此鄉心亂經年未解憂  
○初○畫○

冬日晚行塞上

亂水蒹葭外荒村古驛中羣鴉投落日羸馬嚼枯蓬塞冷山  
○投○字○更○遠無樹崖高雪有風柴車徒簡簡那得到崆峒  
○上○句○

深井思鄉

立馬鵲山頂行旌豆水渠時危人帶箭客老雁無書殘雨秋  
○更○佳花亂寒風古木疎離家經數載忍淚意何如

雁門關

亭皋廣武口風雪雁門關土敞惟生柳雲低不見山破村狐  
○大○愚○邊○塞○諸○作○皆○深○警○奇入井亂壑水吞灣更有沙邊鳥飛鳴他自閒

拔卓然與予美空同並驅讀之增人壯氣

西郊

露白松杉勁霜黃禾黍收迴雲餘暮雨古木畏寒秋人去村  
○畏○字○如○何○下

言  
煙斷田荒野水流兵戈身已老忍淚向旄丘

中藏稿

過靈石山

夜宿石城驛曉行曲水關萬峯朝白日一逕出青巒山僻無人到雲虛獨鳥還懸泉幾百丈隔澗響潺湲

二姪藉茅約遊西山

何日松巒上花光滿客衣香城春谷月古洞夏扉雲瀑水爭巖溜山禽冒雨飛高天窺萬象吾輩欲相依

遣愁

客愁終日未能休何計尋思遣客愁鴻雁有情還叫夢蘆笳無處不吹秋雲連故國飛鄉雨月挂歸心滿驛樓年復一年成古昔石門山水空流

孟津西有石門山

僕向有纒起鄉心月過樓之句至今央越

問稱之不敵大愚之深渾也

入霍州

高山疊岫勢難攀山裏村村棗樹彎家在遠天孤寺外人行野水亂雲間沙邊雁叫驚弓起潭畔龍腥帶雨還霍叔寂然

周鼎沒年年鐵棹鏤重關

蔓草斑斑石磴長朝來嵐翠濕衣裳溪山佳處岑樓立澗壑鳴時衆木涼陰谷雲腥龍夾雨暖風花氣麝含香仙人辟穀藏深洞無數喬松護藥房

公賦嘗為余言七律極難得滿足今見天愚推為獨步矣

憶少室緱嶺石淙盧巖諸勝東故友重遊

緱岑嵩澗三花樹古路重巖萬壑松已決石淙喧霹靂更將

慎墨堂篋

玉砮削芙蓉山中叠岫成飛浪巘外停雲作斷峰曾記當年

題勝處薜蘿一帶紫煙封有鼎彝斑駁之色而詩格更老

約穀城無疆東崖諸親友再如嵩山

城南南望近南天路入高雲石磴連昔日兵戈餘戰氣前朝  
廬舍徧荒煙登臺弔古哀丘上吹笛懷仙白閣前吾輩壯遊  
休自惜聊將節竹共踟躕

和長兄覺斯華山詩

負天面石履幽空攀壁緣光有路通一帶大河窺塞北五陵  
陰雨下關東雷驚樹破龍鱗黑日照霞明鳥道紅時杖短藤  
霄漢上竟從俯仰見洪濛昔客燕京大愚曾出此詩相示歎為警絕今復披誦益為神悚

登泰山

天門忽向杖頭開萬里扶系海上來太古高崖鑄鳥篆多年  
老樹起龍雷青霞堆裏軒轅廟白玉池邊帝女臺俯仰乾坤  
生浩氣何須東下訪蓬萊

茫茫何處辨青齊偶爾雲開放日低祇見眼中飛海水忽聞  
峽裏叫天雞金函寶籙分雙闕玉樹靈花共一谿無奈東風  
吹不了徂徠遙望總淒迷典厚肅穆如觀閭闔衣冠

秋後思伊闕

秋到龍門秋可傷一山破佛甚荒涼頻年烽火新郊壘歷代  
兵戈舊戰場斷續行雲陰更黑參差老樹晚能黃自從亂後  
何曾到野蔓枯藤上短墻

問河南

言卷之三  
○秀○氣○浮○動  
○中○藏○稿○

○少○林○玉○樹○孟○津○梅○別○後○花○枝○幾○次○開○窗○紙○猶○懸○嵩○嶽○月○秋○心○  
○獨○滿○維○陽○臺○黃○河○龍○馬○今○天○地○漢○碣○龍○鼉○舊○雨○雷○更○有○幽○懷○  
○何○處○問○漁○舟○白○浪○暮○雲○來○

少林寺

靜聽鳥鳴谷。閒看雲出壑。山中無人來。貝花開且落。

似右丞

夜夢

天遠思悠悠。黃河水不流。還家一夜夢。錯到泰安州。

大愚時視

學山左

聞太平鼓

寥落旅人館。繁華古帝京。太平何處鼓。還是舊時聲。

欲往江南

日日詩囊挂。傲裘七年空。度薊門秋。南來也買維揚櫂。一夜西風過潤州。

意態安閒

逢故人

秋風秋露歷繁霜。十載飄零別洛陽。饑饉頻經兵火後。逢人不敢問家鄉。

久客實有此情

秋日同張坦公水隄登眺

攜樽共眺遠山暉。落日秋蟲喚客歸。多少傷心不忍見。一羣

白鷺等閒飛。

聞鐘

白露寒風秋幾重。西來獨對遠山松。旅人最是閒中苦。怕聽蓮花寺裏鐘。

○松○人○則○竟○不○管○矣

訪友不遇

雙溪小逕曲欄斜。三月尋人不在家。夜靜更深風送月，亭前吹落刺桐花。

饒有風韻

張文光 譙明河南祥符人

牛齋詩選

雲棲

壯歲不我與，滔滔何太迫。苦心徒爾為，曠懷聊自適。導師指雲棲，嘖嘖多奇石。幽尋峭蒨中，松竹疑無隙。雨滋日罕到，濕翠皆厚積。精舍起懸崖，隨構自成僻。想發曠遠心，雲根費擦索。森然古鐵稜，天骨非刻畫。堅深結草木，高秀動煙雪。頃者遊北山，步步殊愛惜。今為南山遊，情移目為易。韜光豈不幽，如何遜樛格。北山幽以徑，南山幽以壁。

山水間着不得一語此為直寫神

貌

登汴城角樓

落日下層城，蒼然遠樹平。亂雲連嶽碧，野火隔河明。狐兔盤深窟，蒹葭冷舊京。中原形勝地，畫角起邊聲。

胡頴嘉州

醉別

虛堂寒共被，醉語見情真。薄俗從高隱，長貧念老親。雲濤江上夢，煙草雨中春。同是無家客，何山可卜鄰。

氣蒼思警

送沈繹堂太史分憲大梁

淹留頻計日，戀別復興歌。雲氣來中嶽，秋聲落大河。宦情閒更好，鄉夢老偏多。若過夷門道，吾廬有薜蘿。

唐人于送行詩俱用全力

注射解此者惟譙明

冬日載酒慰趙錦帆去國

萬里深冬夜同心幾載情石寒簾外影竹響月中聲經濟原  
多事文章亦近名觀身安世法到處總生成

深識之言非同孤憤

落日幽州白悲風易水寒因君空剖玉笑我枉彈冠身退雲  
山喜家貧去住難所嗟情不愜無計護芳蘭

客歎張衡老人推趙勝先每逢花對飲便覺酒忘年作宦心  
元苦歸田賦莫傳漢家新氣運淪落幾才賢

詞氣藹然

清淮曉發

老髮蕭條逐客程秋風瑟瑟喚愁生五更月照他鄉影萬里  
河流故國聲落拓人當疑慢世浮沉吾亦厭虛名何時歸去

衡門下竹杖芒鞋傍鶴行

高亮是詩家正派

湖雨登毘盧閣示僧

辰鐘疑有老龍聽巖壑陰陰聚百靈雲捲浪紋微帶綠雨蒸  
山氣不分青瞿曇古刹金輪繡神禹荒祠鐵鎖腥蓮社花開  
容我否好將明月對清冷

風雨杳冥疑有蛟龍蟠其五指

吳門懷古

海風吹月掛浮屠江上連營直到吳草綠閭門千騎獵不教  
麋鹿上姑蘇

風調通古

餞蕭紫翁候補南歸

朔氣連雲海日寒蕭蕭單騎發長安十年辛苦緣何事贏得  
梅花雪裏看

令熱中者意消

趙賓

錦帆河南陽武人學易菴詩選

雜興

匣中蓄寶劍傳是古干將七星錯北斗陸離燦文章揮之雷  
霆走佩之魑魅藏神物工變化陰雨四翱翔什襲置重室夜  
夜吐光芒世無張司空紫氣從徬徨

意氣激昂

鬱鬱天壽松青青亘百里上枝拂層雲下根盤澗底謾謾濤  
聲作白晝日光死鬼神朝陵寢飛鳥不敢止一朝摧為薪萬  
山赭如洗行人感故物流涕何能已

頓發冬青之淚

置酒良燕會金鑪吐香煙氤氳白玉堂繚繞珍珠簾佳人唱  
子夜肉聲諧管絃十千新豐酒珍羞供客筵密座傾金疊天  
明指歸鞭路傍百結子呼號崩心肝杯羹堪續命誰肯擲一  
錢

朱門酒肉臭路有凍死骨誰能恤鬻桑之餓夫乎

青樓臨大道朱闌出半天上有燕趙女碧紗隔輕煙高山鳥  
玉軫白雪吟錦箋門前車馬客流盼自生妍千金買一笑朝  
食費萬錢豈無糟糠婦契濶動經年椎布廢膏沐塵土老朱  
顏

我歸自關西驅馬北邙山山上貴人墳縱橫盡成田上有樵  
牧歌下有狐狸眠翁仲纏蔓草鬚負幕寒煙斯人昔未沒出  
入帝王前片言能死人隻手可障天寧知千百載零落草壤  
間

古詩摹選今人類作模稜語錦帆以高朗出之使彼我之懷俱豁固當傑出

武城

風流懷曠代賢聖此同堂車馬川原古絃歌日月長遺民棲  
斷岸老樹出城墻不盡西來水潺湲過石梁

懷古撫今兩意俱足

慎墨堂錄

灤縣

帆影飛林外。河流曲抱村。暮天垂雨脚。新漲鼓沙痕。咸里丹  
薨暗園陵。白霧屯。十年桑海事。獨坐對黃昏。  
悽壯

天津東李芳洲

積水流天外。茫茫萬里秋。估船經島國。潮響到城樓。浩蕩乾  
坤小。奔騰日月浮。蓬萊君咫尺。果否有滄洲。  
切○天○津○

燕市逢張坦公

百戰餘殘淚。關河剩此身。相逢歌舞地。同是亂離人。宮闕煙  
雲古。衣冠意氣新。蘓門借隱處。泉石有經綸。  
諷新鄉也而貪于一出奈

何

屈指年來事。勞勞半已空。乾坤餘短髮。風雨吼孤銅。樹較前

春老花仍舊。日紅酒徒無。恙否同醉望。諸

大有燕趙悲歌之氣宜擊

筑和之

雨夜訪萇光碧天壇

僊壇疑世外。隔院送吹笙。老樹高天黑。空廊夜雨鳴。幾年驚

深而健

大梁

腥雲宿莽匝。城墻鬼火宵。明古戰場邸。第樓臺纏野。蔓中原。  
簫鼓斷斜陽。玉魚畫出麒麟塚。紫燕春迷玳瑁堂。漫遣東風  
吹御柳。隋隄梁苑總荒涼。  
氣色高華而悲涼之意自見

先農壇

輦道青青草色侵。鶯聲隔苑散空林。雲霞縹緲西山出。檜栢

言舊不集 卷之三 中藏稿  
蒼涼白晝陰元日君臣求黍稷百年壇坫歷遼金不堪頽仰  
成概結今古薄暮東風冷客襟典雅是應制體而妙有蕭遠之致

涿州

涿鹿煙雲接帝庭朔風吹雨午冥冥百年喬木霜皮古十里  
沙場野霧腥洛水高連天北極名王獵臂海東青他鄉最易  
添愁思隔岸鐘聲度野亭氣雄力猛能開萬石之弓

長安喜逢彭禹峯

湖海元龍氣未除雄心寂寞付樵漁罇開北海新桑落膝抱  
南陽舊草廬○二○語○極○切○禹○峯○儻指揮天下事風騷驅使古今書含香朝罷  
門庭冷掃徑同君賦子虛僕得交禹峯未交錦帆讀此詩想英雄將無同

送陳公朗右轄山左

海上年年未止戈○錯○綜○如○繡○二東杼軸近如何雄藩暫借銅龍署朝士  
難攀白玉珂天外岱山瞻少室城邊濟水絡黃河登臨便是  
遊鄉井漫向春風問薜蘿別有意緒不儘以宏濶見長

送孫九畹僉憲蜀中

畫省人空鳥畫啼使君持節漢江西驛亭虎關驚鄉夢棧道  
蛇盤怯馬蹄荒服舊傳鹽井遠烽煙近報雪山低雄渾壯麗兼而有之樂方萬里  
歸王會漫向甘泉說碧雞

京邸哭王覺斯先生廿四韻

北邙墓草碧芊芊憶舊金臺客淚濺岱華東西交少室圖書  
河洛出中天先朝騷雅艱三事夫子文章起八軛萬里星輅  
違北極雙龍劍氣照西川牙檣夜泛岷江月絲筆秋題玉井

逆古道青門。勤驛使新詩。白雪寄甘泉。賢人合遇龍。蛇厄吾  
道偏多藥。餌緣涕淚諸。王封馬鬣支。離老病卜牛。眠堂閒阮  
氏。登山屐門冷。楊雲問字船。疇昔蕪門會。侍坐叮嚀蘭。若共  
逃禪蒼。茫風鶴宵征。日南北。玄黃血戰年。橫槊臨營騰。駿足  
洞簫入夜按。歌絃驚濤潑。墨摹新漲。翠壁開屏畫。曉煙自是  
胸中森。武庫何難塞。外勒燕然中。興事業。渾杯酒老去心期。  
付簡編。十載逢人俱好好。五經撐腹。獨便龍門本紀史。遷  
續逸少蘭亭大令鐫。一代詩名傳日本。三都紙價貴朝鮮。龍  
顏天子求遺草。虎拜中郎進舊篇。白玉樓成須作記。吹笙人  
去好登仙。春風著社悲。司馬夜雨天津泣。杜鵑鶴夢應飛淮。  
水上笛聲。故送酒壚前。悲來哭向山陽侶。惆悵人間無大還。

蔡邕作有道碑受者無愧昌黎志子厚墓瑕瑜不掩此詩妙在處處斟酌不作一束阿諛僕以此服錦批

### 送沈繹堂備兵大梁

萬里西風盪酒盃。傾城祖帳野園開。霜流玉樹金門冷。馬渡  
蘆溝畫角哀。四履山川連二峽。一時劍佩出三台。花辰疇昔  
罇罍接雪邸。詩篇次第裁。名部優伶歌樂府。騷壇旗鼓建金  
臺。朱輪翠幘人南去。明月高天雁北來。帝里尊官推絳灌。梁  
園盛事屬鄒枚。城池戰鬪餘殘壘。樓閣燒焚發舊萊。水下盟  
津聲浩蕩。雲連山室色崔嵬。登臨定憶西窗燭。歲月頻瞻古  
驛梅。廢苑離宮花幾樹。禹州有廢王宮夕陽官渡首重回。不盡悲秋  
懷遠意。天涯客夢落河隈。送人游宦但作門面語易耳惟將山川時事經緯成篇斯為可

傳

秋日訪友人報國寺

檻外高低黃葉飛，松聲埒影送斜暉。燕臺到處人歌舞，石竹  
蕭蕭靜掩扉。憶昔昔年與聖秋岱觀  
連榻慈雲僧院時

過程箕山半野園

每過門前定下車，解衣高枕即吾廬。經年怪爾朝來懶，是處  
松陰可著書。宦游人如此  
風味絕少

北方詩氣格極高，聲調亦壯然，必須有精實之意，行于其  
間，乃不涉于粗莽。故僕選譙明錦帆大愚詩賞其雄澗而  
尤登其深傑者，若吳音柔緩，又須以北氣調之，乃  
為高健。此僕十年來與同學諸子論詩之旨也。

宋 琬 玉叔荔裳山東萊陽人  
安雅堂詩集

都門送別宮紫立

驚風飄朔葉，玄雁鳴中林。豈無稻梁志，浩然江海心。借問客

何遊言返故山，岑平生懷五嶽。杖策將幽尋，囊裳欲從君。畏  
此長淮深，相知在顧眄。豈必投兼金，何以叙綢繆。三奏朱絃  
琴，宵征易水上。勿為霜露侵，惆悵勸門客。俯仰嗟陸沉。委  
頓挫得河  
梁之遺緒

蜥蜴行

退食苦炎熱，披襟聊散帙。青蠅何營營，室小厭充溢。智勇兩  
無施，未可張羅罨。承塵多蜥蜴，三五相儔匹。見蠅忽如怒，奮  
迅搖其乙。須臾翻靜嘿，臨敵轉恐慄。將適復斂身，欲動或屈  
膝。攻取勢多端，精神迺專一。青蠅一何愚，忘情似親暱。呼吸  
飽唇吻，百試不一失。未即盡驅除，去我心所嫉。吁嗟此小蟲，  
暗合兵家術。始焉弩在機，終也亦出鞞。古來師老馬，戰勝未  
發○出○許○大

敢必衰至則寡謀禍機戒不密可憐智伯頭竟為仇人漆

雄詞驚語直追老杜蒼鷹之作下視香山大嘴鳥等篇奴僕命之可也

秋夜有懷胡蒼恒憲副作長歌寄之

故人昔領岷山節十日書來猶恨缺故人歸臥高陽岑相思  
千里無好音憶在秦庭酌君酒覲面方新聞聲久百益以後  
將紫髯片語相要成白首壯哉君侯力如虎曾將綵筆題鸚  
鵡面縛轅門吐谷渾氏種謳歌羌女舞去秋八月葦葭時飛  
筒寄我仇池詩開卷如聞十九泉淙淙幽壑寒流漸一朝長  
嘯拂衣去巾車東指咸陽路人向柴桑五柳邨門臨少室三  
花樹邊人遮道苦歎畱惟我知君此舉誠良謀攜我綠玉樽  
攬君白豹裘縱轡隗囂之故壘振衣數奇飛將之荒丘古來

賢豪軼軻尚如此吾輩翫麟之骨難封侯醉看吳鉤辭上馬

風傑豪舉

北風吹淚雪滿野臨岐握手莫相忘歸雁城邊結蓮社社中  
鷗鷺應相待慙予尚是浮沉者君不見向子平糶糧五嶽稱

逃名當年若無禽慶相周旋空山弔影徒惻惻我今何為滯  
西隴一官偃蹇同雕甍戀棧終年違素心急流千丈輸君勇  
卜宅將從王粲居載酒同澆劉伶冢

生

洋洋大篇而頓挫有法讀之惟覺獵獵風

贈蜀中李鵬海進士

昔君射策明光宮騰驤燕市驂騑空誰遺妖星通天闕鼎湖  
竟墜烏號弓小臣攀髯歎未得重繭萬里還鄉國劍閣差峩  
戰血腥豺狼竊據昏巴夔八口淒涼何所歸窮途那免寒與

饑長饒作伴拾橡栗短褐不完歌采薇清澗灘頭釣魴鯉誅  
茆結屋將已矣亭邊呵止故將軍驢背誰知前進士青鞵竹  
笠秦川來登高懷古義皇臺酒酣拔劍鸚鵡舞夢回巫峽秋  
援哀達人自古嗟飄蕩鼓刀而屠太公望天子宵衣問隱淪  
徵書旦夕礮谿上

滄漠長歌華整而兼有逸氣最忌拖沓荔裳直可接武濟南

### 初冬同趙一鶴歐陽介菴宿鷄山寺

洞壑迷青靄松杉隱白毫客來秋已盡坐久月初高天外煙  
巒滅雲端板屋牢明朝臨絕頂筋力未辭勞

無意求工而自然雋勝

### 寄懷胡蒼恒

相知方恨晚相見一何疎拙宦憐同調孤城奈索居秦關碁  
響夜羞箇雁飛初賴有洮河鯉遙將尺素書

已近自然

君輕紱冕鈴閣鎮秋局昨日一書至伊余雙淚零  
草合望裏暮雲停安得聯床語更深著袂苓

讀荔裳詩使人踈心却釋

如聆玉琴

### 送別嚴方公任南安大叅

璽書來隴上征旆指江關檄到鼉鼉宅詩畱鳥鼠山嶺梅憑  
使寄塞柳為君攀佇美樓船外壺漿遍百蠻

穩秀

### 宿五峯山

為踐溪山約捫蘿到翠微松光青不定海氣白成圍待月穿  
雲徑畱僧宿石扉莫教官騎促吾醉欲忘歸

思路幽細而出之朗潤所

以稱為大家

### 邯鄲

言舊不身 卷之三 中藏稿  
趙王宮北古叢臺歌舞當年翠輦來白馬大梁公子過黃金  
東海魯連回三千珠履人何往十五銀箏響自哀寂寞平原  
坏土在麒麟荒缺臥蒼苔  
題不難其典難其韻荔裳此詩可令當爐趙女歌之等于黃河

遠上之曲

### 驛夜

濁酒更深醉不辭短檠疎簾怯涼颺樓邊哀雁飛何蚤海上  
鱸魚歸又遲銀漢欲斜爲客夜金釵初墜憶眠時空閨應是  
刀環夢泣向流黃說鬢絲  
荔裳乃復多情爾爾此謂才人

### 杜祠飲歸畱別歐陽介菴

邊城楊柳倍依依客子登臨惜落暉霜雪憐予衰鬢早雲山  
知爾吏情違雙柑載酒看花去五夜聽泉冒雨歸珍重此游

### 難非得莫教羌笛溼征衣

輕圓復帶警逸

### 登西嶽廟萬壽閣

崔巍傑閣玉爲寮白帝離宮倚絳霄檻外河山三輔小巖前  
觴豆百靈朝明星環珮雲來溼仙掌芙蓉雨欲搖會御長風  
凌絕巘青鸞背上夜吹簫  
有縹緲凌空之致而神彩迥異

### 雲臺觀

三峯峯下羽人居夾道青松覆碧渠金榜蝌文程邈篆玉函  
龍氣老聃書荷鋤種藥他年事倚杖穿雲此地初栢子一餐  
身力健芙蓉蒼翠濕衣裾  
鼎彝碑篆之氣使人肅穆

### 登華嶽作

獨上鉤梯覽大荒秦關終古氣蒼蒼天開閭闔纔尋尺地界

雍梁入渺茫。五粒松搖羣帝珮。三漿露浥百神觴。仙人方罍青冥上。更欲凌風度石梁。

松風謾謾步虛聲。杖策高尋衛叔卿。星近祠壇光欲墮。月臨仙掌夜偏明。扶桑萬里天雞曙。箭括三更石馬鳴。誰信楊雄擅詞賦。不將綵筆記層城。

與滄溟覺斯登華詩各有其勝

寄楊猶龍方伯

南征諸將繫戈船。司馬文章諭蜀傳。轉粟自來愁白帝。宦途今日更青天。風流燕趙登樓客。露布巴渝洗甲年。詞賦定從橫槩得。封題寫向薛濤箋。

偏覺秀氣滿指我欲以蜀錦襲之

同歐陽令飲鳳凰山下

茅茨深處隔墮甍。雞犬寥寥有數家。寄語武陵仙吏道。莫將

征稅及桃花。秀動

青陽峽

夾岸長楊接翠微。亂流高下見柴扉。空山十月無冰雪。紅葉叢中蛺蝶飛。雅覽是晚唐之佳者

馬嵬

何事漁陽動鼓聲。香魂不逐六龍西。可憐杜宇聲聲血。只在長生殿裏啼。音調凄楚不勝細蟬金雁之思

施閏章

尚白愚山江南宣城人越遊觀海諸集鴻寶先生鑿池累土名曰見山宮室塊異為越郡之望

集倪園

亭館何玲瓏。合沓無終始。高榭累丹岑。修廊照清沚。鑿築成川巖。高深信具美。青林吹好音。朱顏發甘醴。問誰始結構。丹

言觀初集 卷之三 中藏稿  
獲維太史擔石無留儲。陂臺亦何綺。太傅東山墅。康樂始寧里。聲名蔽天壤。丘壑情所止。萃屋未終宴。抗節重泉底。便娟想芰荷。蕭蕭瞻松杞。美人不可見。揮淚長川汜。  
密麗清英 兼顏謝之美

贈楊猶龍

虎嘯生冽風。百獸駭且避。丹鳳鳴雝雝。羽族皆斂喙。四海一浮雲。夫子炯高義。黼黻耀文章。衣裳懷薜荔。南風病不競。北音苦蹈厲。獨爲絃歌曲。清商激繁吹。一彈白雪霏。再彈玄鶴至。晨星何皎皎。參差不成行。人生眷明德。纏綿結中腸。觴至各詠言。豁達陳悲涼。寧歌嗟飯牛。屈騷怨沉湘。之子築高足。結

綬登明堂。歡娛日東出。戚戚何內傷。坐有江南客。含意同慨慷。擊節再撫膺。淚下已浪浪。抱絃未忍絕。知己安可忘。

體氣高妙不  
僅詞調之美

贈沈繹堂太史分憲大梁

夙昔頻宴會。好音動京國。握手衆人中。抗言各努力。落葉下燕臺。行雲去不息。一觴未及斟。愴慨淚沾臆。雙鶴鳴前林。烈風分羽翼。振衣躡嵩高。延頸睇北極。拳拳復何言。但有加餐食。  
神似 蘓李

寧陽行

客行倦修阻。流民填路隅。嗚咽泣長跪。野宿無完膚。停車傾我篋。煦沫媿錙銖。去此未及遠。接踵相號呼。誰能盡霑灑。緩

歿亦須更去年民爲魚今年麥又枯餘盜猶伏莽天意何相  
驅豈無蠲租令不得收溝渠蕭條日將落酸鼻空踟躕

惻然仁者之言  
真從肺腑流出

### 簡方吉偶索畫障子歌

故人能詩復能畫丘壑胸中籠十洲丹青磅礴渾漫與人言  
君是顧虎頭我有鵝溪絹一疋領取煙巒挂蓬室五日一石  
○是○工○部○十日水如何三月不下筆祇今我病愁蹉跎夢裏青山空薜  
蘿安能突兀置我千巖萬壑間使我青鞋黃帽影婆娑君既  
畫兮我當歌聞君宦遊氣豪壯曾踏龍湫與雁宕不妨潑墨  
爲此圖臥遊想像一惆悵

短章正  
爾矯邁

### 靈巖行

靈巖開鑿巨靈苦萬仞丹梯作環堵已畱天穴爛明星更遣  
甘泉瀉石乳重林深翠成風雨鐵崖湧出袞袞古土花錯落  
鏤金斑水田細繡天爲補丹臺飛嵌層巖巔削成石屋居無  
椽杖藜直上八千仞手撫白鶴凌紫煙朗公卓錫呼不應龐  
眉石丈拱我前俯視人間悲浩劫誰知梵宇亦桑田般舟寶  
殿金銀摧世尊塵埃龍象哀唐碑宋碣紛斷折存者欹側埋  
荒苔靈蹟婆娑恨未了倦遊一宿良草草安能高枕臥空山  
飽飯青精顏色好

刻畫山川極其奇詭摹  
寫荒涼處復令人震慄

### 禹廟

兗東禹廟臨汶河凌雲結構鬱嵯峨棟宇有時橫蒼藤旌旗  
白日走龍鼉五月陰風冷毛髮參天古木交婆娑繁花細葉

宿鸞鳳神呵鬼護無斧柯後亭更有千年栢枝是琅玕幹爲  
石化作蒼龍上赤霄頭角鬚髯如刻畫吾聞神龍見尾不見  
首此物無乃太狎褻君不見丹青破壁風雨時霹靂一聲天  
地裂筆下如驚濤駭浪魚龍  
出沒其間令人歎絕

漢栢行

根不必踞絕壁枝不必摩蒼天婆娑嶽廟眼前樹輪囷屈曲  
幾千年龍文蛇腹復猿臂鐵幹蟠空絕根蒂岱宗玉女旌旗  
翻百靈半夜風雨會韋偃畢宏畫不得神物旁觀空歎息春  
暮天寒鶴鶴悲陰霞繞樹沈雲黑崔嵬祠廟已頻災唐槐灰  
燼秦松摧武皇六龍逝不回嗟爾古栢胡爲乎在哉令我哀  
歌矯首空徘徊與少陵韋偃畫松  
諸歌詞其壯拔

家長也太守招遊曹山及吼山

起○得○突○元○  
石斷忽成溪懸崖陰復低登臺迷上下浮艇失東西絕壁魚  
龍氣危藤鶴鶴棲使君幽興極攀盡白雲梯非性情與山  
水冥契那得

如許  
靈秀

送王挺生之荔波

秋色滿平津征帆去苦辛一身烽火地萬里瘴江人野濶天  
無雁城荒洞有民分符到殊俗努力是王臣唐人贈別每  
多箴諷不似

今人一味頌美愚  
山能得古人遺意

登州作

郡僻滄洲外城孤絕島邊亂雲時結蜃六月未聞蟬水氣垂  
天濶濤聲裂地穿乘槎問牛女消息轉茫然用筆  
甚狠

舟發

雙溪七載夢三月片帆歸入舫容高枕開簾見釣磯時艱偏  
用拙事往始疑非莽蕩汀洲濶惟看白鳥飛  
閱歷語讀  
之拱服

露筋祠

野處無名氏千年廟獨存自然堪下拜不用賦招魂風月清  
傳珮蘋蘩香遠門往來纓冕客慙歎向誰論  
只不說盡  
見其筆高

俞明府招集西施山

舞榭歌樓空復情孤鸞畱得美人名英雄不信輸巾幗羅綺  
誰知是甲兵臨鏡臺前交柱老采蓮池上白蘋生月明夜半  
湖山靜應有珊瑚環珮聲  
風流  
絕代

夏杪息柯亭二首

相國園林百尺樓一亭叢桂可淹畱飛來絕巘雲中落望去  
千峯鏡裏浮古寺鐘疎獅乍吼○可○不○易○得○下方人靜鹿常遊憑虛未覺  
思鄉國畫角休吹送客愁

此地曾聞獅子林千年靈蹟獨登臨天青孤墻星辰動日落  
滄波煙火深北極遙看遊子淚東山高枕故園心眼前尚有  
柯亭竹寂寞誰知長笛音  
二詩極  
為深雅

登岱

岱宗萬仞氣蒼蒼杖策層巔盡八荒列岫兒孫爭拱立諸天  
旌節鬱相望丹霞白霧分陰霽玉簡金函入混茫懷古踟躕  
搔短髮洗頭池畔挹瓊漿

羣仙冉冉下青峯迴合虛無紫氣重日出天門當漢時雲深

御帳失秦松雙崖石裂驚龍鬪四月桃開積雪封輦道荒蕪  
民力盡相如禪草且從容  
與大愚作真  
一時瑜亮

### 望長白山

雨後明霞冉冉紅浮雲猶裊半山多  
年夢想赤松子何處  
招尋白兔公列嶂臨城餘礮雪  
虛巖面海更天風從來副嶽  
誇形勝杖策憑陵誰與同  
筆墨自然酣飽  
只是才高一切

### 東海廟

芙蓉島畔海波平絳殿珠宮入太清  
賽社雲沙喧士女恸簷  
咫尺接蓬瀛半天松栢魚龍影  
白晝旌旗風雨聲大祀前朝  
雷寶冊殘碑剝落任縱橫  
寫得  
北刻

### 太白酒樓

謫仙痛飲狂歌地畫棟層軒面水開  
百戰風流餘草木千年  
春色抱樓臺筵前積霽青徐出座上  
飛帆吳楚來逆旅古今  
皆涕淚何如此際一啣杯  
俊朗不凡  
讀之飛舞

### 青州道中

草色青青攬轡遊馬頭見說古營丘  
荒村老樹聞鶯少舞絮  
驚沙攪客愁霸氣尚留齊海岱  
微言誰問魯春秋登臨預擬  
蓬萊閣好倚扶桑到十洲  
天然好詩  
純是功詣

### 九日登千佛山

看山結伴太逡巡杖策憑陵及此辰  
天際長風真落帽尊前  
今日是閒人蒼巖石壁孤城影  
溪洞莓苔古佛身薄暮寒煙  
連海色華峯千丈獨嶙峋  
容與  
大雅

送孫平侯守平樂

萬里昭潭路雙旌去杳冥瘴雲連洞黑錦石倒江青城市龍  
門驛官衙天繪亭異泉留感應泉名幽洞駐僊靈山色朝看暮  
灘聲醉可醒人家巢絕巘榕樹奪空庭樸俗安良牧殊方寄  
客星相如能諭蜀早晚達朝廷

全首整鍊  
更多警句

題郵亭

春日勞勞盡風沙眼不開東風不忍背為自故鄉來

得唐人之

神髓

寄陶赤若

風塵萬事獨羈縲秋後家書和淚題好寄愁心南去雁向君  
為作數聲啼

清思  
冷調

嚴

沆

于餐顛亭浙江仁和人

報國寺雙松歌

燕山突兀幾千載四百餘年景物改惟有慈仁雙老松霜皮  
剝落至今在其一婆娑勢攬地撐拏詰曲春雲鬢一株稍欲  
干層霄却顧徘徊意相待紛旛密葉生風濤屹立虬根玩真  
宰慣看城市變烽煙幾見桑田作滄海何年紺殿啓琳宮石

入廟

欄蹬道盤虛空飛花濛濛日月靜溜雨黯黯神靈通大都月

市一

市番估集胡牀翠幕陳西東哥柴古窰周漢鼎陸離法物羞  
雷同似與雙松校年歲必有真賞窺鴻濛日斜人散蒼煙重  
倒景上殿雲龍葱軒車冠蓋謬相歎肩摩轂擊勞過從吁嗟  
此松澹蕩有真意只愁化作雙虬龍直上燕山絕壑一往不

筆亦如龍

言舊不集 卷之三  
不得見。悵望千峯與萬峯。

末一段有篇終  
接混茫之意

中藏稿

訓錢礎日

十年風雨秋瀟灑。莽莽蛟龍竄原野。大澤常聞垂釣人。南陽亦有耕田者。梁谿湛湛白雲橫。惠水飛泉日夜聲。華門窮巷立亭晚。弄筆宵燈五夜清。子玄史論評千古。富貴功名何足數。風霜落紙鬼神驚。得失悲時真宰怒。偶來策蹇玉河濱。羊裘亂撲長安塵。眼前悠悠看長鍊。誰識成都賣卜身。我本茗溪漁艇客。走馬金門寒躑躅。索米仍憐逐升斗。畫山且復娛咫尺。出門側足狹邪長。向人拱揖羞矜莊。忽枉長歌慰岑寂。真慙面目供奔忙。陽春白雪聞殊調。似立蘇門聽長嘯。南內深松霧乍開。西山積雪晴相照。元宵九陌燈火微。宜將清酒

恒○嫩○顯○亭○有○之○  
春衣吟詩正愛江南美。知爾長懷富渚磯。

讀王維李頎  
諸歌行正以

風度容與見其大雅顯  
亭一往恬秀正覺超人

田凝只索畫久不得報歌以代東

我昔平湖美秋水。酒酣最愛羣峯青。興來落筆寫山色。泉石出沒雲冥冥。一日十紙不厭速。貴取繪意非傳形。三春索米長安陌。馬足涔泥滯行迹。西山玉河在眼前。神昏擊強真意隔。案頭細素委零亂。貴游尺一相迫索。必逢好友情性諧。吮墨含毫始光澤。鸞坡舊侶多忘機。吾子趙氏連城璧。吳綾一幅皎秋霜。經年未敢輕點畫。首秋暑退風簾開。疎雲細雨滋綠苔。玉盃烹茗泛香雪。十指拂拂神初來。故舒直幹筆一放。試疊層巒燼欲迴。須臾脫手天宵淼。此事原堪一朝了。不噴

是與酬落筆時

慎墨堂篋

言... 卷之三  
濡滯嗜我真相遲霜前看雲嶠  
然可愛

九日興誠寺和龔芝麓先生

令節宜登眺郊原策馬從陂塘含白日宮闕起青峯高會輪  
轅集名流杖履逢正憐黃菊少莫厭酒盃重  
射圃聊行樂龍山復共登白沙偏繞郭野水故穿塍老樹連  
雙影羣峯擁百層徘徊西日落歸馬正須乘  
秀句如不經意而得  
風度恬雅而神骨殊自傲

春日漫興

隴舍山南北經營仗老兄栽松分路密種菊傍籬清可有詩  
頻寄何時酒對傾俸錢難遠給貧薄過諸生  
補袞瞻天近斑衣愛日長生成看鸞雀戰伐剩豺狼紙筆兒

誰好柴桑婦不忘閉門焚草畢歸夢五湖傍

二詩見顯亭歸田之志

送馬覲揚前輩之偏關

禁臣賜履大都雄漢室分憂借寇公山走太行迴上黨河連

汾水出雲中寨帷自識臨邊肅簪筆從來諫獵工但試民情

歸未晚何淹龍袞賦居東  
雍容和雅自是盛唐高響

送楊自西之高要

吳公門下賈生才為令南荒首重迴楊柳橋寒飛鳥去枕榔

亭迴抱琴來莫愁瘴癘連高峽好煮丹砂倚粵臺萬里烽煙

念樽酒何時瑣闥曳裾回  
濯濯如春月柳

贈張仲若前輩出鎮宣雲

玉帳橫吹奏出關秋風持節賀蘭山蓮燈始散承明直盧矢

新從內府頒花暖旌旗牙隊合月明刁斗羽書開漠南蕃部  
承恩久紫塞葡萄逐馬還妙切今事與昔人  
送行邊者不同

送龔芝麓先生使粵東

直節爭傳亞相賢投閒上苑領林泉容棲蓮勺回中日去問  
梅花庾嶺天金殿頻嘶仙仗馬增江正站武溪鳶羅浮山色

輶車迥却望長安北斗邊典雅  
不汎

折檻披鱗衆所知彈碁躡屐總吾師深松命酒招提晚垂柳

揮鞭左掖遲八代文章誰氣象千秋吾道本艱危却過儋耳

雲山遠曳履歸來捧玉墀此首更  
為蕭逸

酬趙雍客兼懷鳴社諸子

為吏風塵別舊溪故山人迥草萋萋攜來新句燕關北却夢

扁舟雪水西石徑煙霞招鶴駐南湖花柳聽鶯啼暮春高會  
如相憶更寄蘭亭被襖題吞吐抑揚  
無不婉合

慰戴經碧喪妾

蕙帳煙銷委毅衣彩鸞一去不知歸愁窺落月湘簾暗只有

梁間玉燕飛娟秀

長日花間下玉驄共斟仙露飲春風淒涼獨有相如在取酒

誰看作賦工使人頓  
爾寂寞

賀鄧玉書新婚

瀛洲仙史校書晨蕙帳重開貯玉人見說江城楊柳色移將

雙闕不勝春搖曳如靈  
和殿前柳

為約朝雲下碧虛徐家與妹有傳書新嫌舊素知何似織就

鴛鴦總不殊

是爾時情事  
移用不得

陳祚明

胤倩浙江仁和人  
采菽堂詩選

於金魚池上偶成

郊林乍澄爽。素商披我襟。循坂憇喬木。攬衣散曾陰。平沙既  
逶迤。蒼然見西岑。復此池上樂。坐獲濠梁心。陂塘相灌注。密  
藻翳浮沉。錦鱗耀日華。朱鬣披丹金。羣泳同所適。獨逝冥幽  
尋。有多狎衆翫。雖伏乖潛深。何當縱逸性。掉尾百川潯。

筆

不多正  
符曩體

瘦馬行

春風漸綠沙苑草。塵埃日暗長安道。蹄高尾秃走逡巡。瘦馬  
空畱皮骨老。雙驢曳車轂轉急。狹邪路隘踟躕立。嚼勒無聲

負日寒障泥。改色臨流泣。憶昨齊毛上林苑。十二天關校獵

此說當時

返綠鬃。搖曳踐青郊。朱汗流漓驟蘭坂。是時天子重神駿。飛

黃驟耳爭相趁。七萃旌旗錦作營。五侯騎從化為陣。飽食常

供太僕。芻黃金飾轡。雲模糊一出橫門志千里。駒跳欲與凡

此說今日

馬殊時移物換。廐阜改西來。大宛誇龍駒。後宮教舞但蹴蹋。

前驅更駕甘羈。孤平原蕭瑟。白草長澗西。放牧依菰蔣。神衰

不覺眼低迷。肉盡誰憐骨。骯髒鬣疎瘡。破烏啄皮負薪隴。阪

山猿欺野燒。乍疑獠火作。秋雨獨畏陰風吹。君不見天駟無

光伯樂化。服阜乘輿材亦下。肯戀棧豆儕。駑駘自老荒。垆愛

蕭灑。但畱駿骨在。人間倘築金臺有知者。作者其有所托  
乎何言之沈痛

悲激也

北征雜詩

百年多攘攘。跋涉意何如。京口歸潮大。丹陽落日孤。轉漕千舸擁。過關萬人呼。泛水扁舟影。蕭條短髮疎。氣壯思猛 固為杰構

不識清河口。金龍烈士祠。驚濤吞日月。崩岸走蛟螭。金碧前朝殿。莓苔萬古碑。生存慙拜手。破浪石尤遲。此首饒 有感概

地脊憑南北。中流一道分。帆檣謹客子。鐘鼓報龍君。日沒邳

徐野天寒岱嶽雲。歸舟公下水。從此息勞筋。

帆轉天津口。清流界濁流。魚鹽來海上。舟楫聚城頭。萬里人

為市。重關鐵作樓。依然扼形勝。風景不勝愁。北征凡十一 首特錄其尤

者 矯異

中秋長安對月

雙闕暮青青。西山倚畫屏。更懸明月照。何處翠華停。桂子飄

仙苑。霓裳奏廣庭。白頭宮監在。簫管夜深聽。紙上 有淚

送曹秋嶽少司農分藩粵東

材大容何易。官遷遠未妨。聲名雷北闕。瘴癘且南荒。雨濕梳

榔暗。山空薜荔香。倘能懷五柳。松菊故蒼蒼。唐人送行意 多箴規語無

忌諱不祇詞令之 工胤倩殊得其旨

送韓固菴齋捧之章貢

潦倒遊燕客。饗殮托故人。一行臨嶺嶠。孤月望江津。馬度蒸

林赤。槎迴水驛春。祇同今夜酒。莫厭數沾唇。風調 翻躑

燕山雜咏

漢家宮闕鬱相望。省署迢遙繞建章。三殿旌旗松靄靄。千門

言  
劍佩柳蒼蒼。爐煙細轉青雲合。榜字高懸白日光。秋色回中  
接南苑。更衣亦在舊長楊。一結合情無限

西望青山積翠凝。松楸黯黯漢諸陵。太平盡識垂衣久。失勢  
誰悲帶劍升。壞道悲風嘶石馬。荒岑涼月閃金鈴。下津想像  
明禮日。鳧雁秋多碧海澄。沈鬱哀涼難為卒讀

甲山將臺

龍○旗○七○萃○羽○林○閒○大○將○長○城○飲○馬○還○飛○騎○熊○羆○屯○上○谷○真○王○  
帶○礪○啓○中○山○誰○標○銅○柱○青○冥○外○長○聳○雲○臺○紫○極○間○聞○道○大○風○  
思○猛○士○撫○髀○萬○里○惜○朝○班。雄風健筆女勁鵲摩空

香山

夾道青峯似畫中。先朝列帝敞行宮。鶯花仍度三春日。松柏

長吹萬壑風。錦石親承鑿輅轉。立猿猶記翠華東。小軒御榜

畱宸翰。行客徒悲古木空。俯仰悲感偏多藻逸

海淀

千溪赴壑碧流清。青甸因高少海名。自有鮫宮凌岸出。曾牽  
龍舸信風行。波含蓮勺成秋色。雲去蘭臺作雨聲。上巳先朝  
容袂褱。曲江花柳聚簪纓。文采流宕

燕市春歌

長安古狹邪道隘。不容車溝水春泥擁。愁君白鼻騮  
呵殿簇鞍行。金鞭手自擎。稍攜宮扇出。指點識官名。  
宣室通長樂。齋宮起露臺。盡隨將作監。十萬梓人來。  
寒日郊壇路。香車隊隊逢。玉肌宮袖窄。青髻挽盤龍。數首紀事

偏覺  
雋勝

元夕燈詞

翠鉤珠鬕競新妝。社鼓燈毬月似霜。聞說鰲山啣火樹。宮中  
依舊舞霓裳。

正陽門外玉河橋。角觝魚龍樂事饒。羯鼓催為鸚鵡舞。琵琶  
細逐鳳凰簫。

神似青蓮而用意則別

報國寺松歌

屈鐵虬枝翠葉齊。秋陰古殿夕陽低。人間亦有千秋物。不必  
煙霞鎖碧溪。

別有感興

送吳方漣司李潯州

嶺嶠春風洞壑幽。鬱林城下水爭流。官衙吏散無烽火。荔子

低垂翡翠遊

風神絕世

宮中行樂詞

平明魚鑰九重開。共待長楊夜獵迴。馬後齊懸雙白鹿。武皇  
元有射蛟材。

情深而色麗

胡承諾

君信湖廣景陵人青玉軒詩

蕭明府沈畱守次難詩

明府名漢南城人以進士授鍾祥令畱守名壽崇宣城人癸未

元日賊陷吾郡歎之

飛豹陵南雍天地。皆陰曠大將棄其師。七奔及江濇。二別有  
靡旌五渚無。停柁晚風班馬聲。空山鶴鶴喚哀哉。郢中人孤  
城何以濟。

梟騎絕馳道。毒矢集黃瓦。大夫歟封疆。影節亦何寡。武將既

生降○文○吏○遁○荒○野○挈○累○出○近○關○矜○甲○坐○旗○下○纍○纍○一○郡○中○誰○為○歿○義○者○

獨○我○蕭○明○府○臨○難○無○苟○避○聞○道○既○有○年○蹈○仁○豈○不○易○手○握○蘓○

武○節○目○裂○相○如○昔○菹○醢○報○名○師○血○衣○付○下○吏○自○刺○胡○不○殊○幽○

繫○在○蕭○寺○

百○里○霜○戈○竦○叢○棘○真○一○身○端○坐○絕○聞○見○勺○飲○不○濡○脣○尚○想○焚○

表○痛○遑○恤○乳○漲○晨○誰○謂○道○輔○善○胡○不○鑒○斯○人○絕○吭○即○長○夜○零○

淚○沾○我○巾○此時太夫人尚存

沈○公○初○被○劾○杜○門○俟○爰○書○聞○難○整○冠○佩○危○坐○臨○堂○除○徒○御○盡○

奔○逆○神○氣○彌○晏○如○仰○天○呼○祖○德○正○色○數○兇○渠○手○劍○猶○格○鬪○仇○

亦○已○斬○祛○碎○首○著○門○闕○懸○日○照○里○閭○

存此五詩可簡國史

冬日山行

一○休○星○駕○七○盤○啓○曙○氛○逕○危○懸○斷○霧○峰○動○晨○浮○雲○虎○跡○千○

巖○競○松○聲○異○壑○聞○不○須○淪○晝○景○淒○蕭○總○迎○暉○

松○高○猶○半○壑○極○日○有○危○岑○何○處○寒○泉○咽○窈○然○石○磴○深○雪○消○冰○

轉○合○山○霽○谷○多○陰○况○復○荒○榛○裏○流○風○起○夕○陰○

一詩字字靈動

曉渡漢江

逾○漢○非○吾○郡○征○途○往○更○悠○寒○山○連○兩○岸○沙○磧○入○中○洲○日○白○江○

帆○見○川○黃○宿○霧○留○宜○城○今○夜○酒○遙○酌○仲○宣○樓○

清雅最

題西塔寺

巾○江○逢○亂○後○西○塔○遂○荒○涼○坐○冷○生○公○石○林○虛○雁○字○堂○天○風○吹○

古○殿○人○跡○響○空○廊○薄○暮○湖○煙○起○樓○臺○隱○夕○陽○

生劍處直通空同

夏日郢中集呂工寅宅

古廟旛旗盡山城埤堦殘浮涼生竹戶返照在松巒郢酒風  
偏快湘筠淚未乾飛觚聊送目雙鷓下雲端

此題其一有  
荒雨夷陵黑

石固除夜同諸子宴王氏宅

旅次逢除歲當歡莫悵然遠來南楚客共在許西偏小雨軒  
櫺外梅花燈燭前今宵穎川郡賓主更多賢

秀氣浮  
于紙外

秋日贈點雪上人

何處息勞侶紺園秋氣清晚風禾黍熟暇日牖窗明樹葉交  
深坐藤花照獨行道遙雖有注至此已忘名

琢鍊精工  
足匹賈島

田家偶步

拜揖非吾性田家無送迎偶嘗原果味遂聽野禽聲古墓虬  
松偃叢祠灌木榮玄黃猶在野能使客心驚

都無  
凡響

卜居

宵城涓水北新市泌山東窈窕羣流會參差衆壑同耕田隨

楚老蕩槳學巴童於此逃名姓吾寧黃綺翁

格律  
獨老

歸

合沓行奔峭紆餘出浦沙愁心傷第宅倦客向山家疎雨虹  
蜺影微風秫稻花到門五株柳隱映綠蘿斜

君信五言近體多典雅深創不為寬套之言摘其警句皆

堪珍愛如階襄陽陣虛雲自壞軍敗鼓先愁雨後翠鳥啣

魚疾秋瓜上架低寒夜雲水皆疑雪風嵐共翳燈晚望陽

崖畱落日陰嶺洩微雲淡煙塗遠岫疎鳴匿寒林正月十  
五夜昔火驅山鬼膏糜享社神春日訪友岸曲風難正沙  
虛日更閑新鄭懷古煙銷禪龕火壑變消淵龍宿西埕詩

湖冷高薨月林殘舊井  
霜皆一字一珠者也

陵陽鎮

○起○勢○登○特○  
遙看木末鎖青煙驚在垂猿度鳥邊  
賴有溪聲通在路不教絕壁閉高天  
山家數見雲常在旅夜難堪月屢圓  
此際何時巖下宿故鄉消息正凄然  
游山水間筆力直欲  
鑿開混沌必傳無疑

蚤發石埭

隔溪雲起最高峯北斗闌干石室鐘  
空響滿山聞鸛鶴樵歌一曲落杉松  
村童荷鋪曾驅虎野老澆田自咒龍  
莫訝僅交人獸跡澗花開放故從容  
○異○想○重○境○  
如入桃源  
渺然異境

雨中繫縣

門隔泉聲三兩家野人驚看客天涯  
撥雲古道封寒雨映日

眉峯變晚霞春色漸從芳樹老鄉思無奈暮情賒  
中宵不寐嫌林月何事窗前照落花  
境地靈幻  
妙能寫出

祁門放舟

帆入深山亦未收那知此地可方舟  
行雲忽斷低羣岫去雨餘飛雜亂流  
旅食難思張翰鱸春衣未換馬卿裘  
故園遙隔兵戈裏何事前灘怨石尤  
直以道元水經注手  
筆作詩遂字字靈關

自浮梁赴饒州

百里餘千積翠來晴江水暖暗生苔  
晚猿初起船纜繫春鳥能言花盡開  
洞口蘄泉畱客賞村邊買酒喚僮回  
曲聲啁哳無須恨一夜微停畫角哀  
○然○可○喜○  
中唐人  
得意處

至湘潭謝魯玉招飲

高岸浮煙水鳥低園林深樹隱黃鸝楚人門巷瀟湘色遠客  
歸來梅雨溪入座杯觴愁裏盡泊船燈火望中迷應知別後  
思芳杜青草湖南潭影西楚人門巷瀟湘色從無人說到

康郎晚泊有懷王琢章

江皋草綠雁飛徐薄暮微寒湖影虛隔岸煙雲生楚越一汀  
風雨見樵漁勞思印友開帆後開詠孤舟向浦初介性普天  
堪獨往無如分手未躊躇讀過如置身彭蠡間

湘中懷陶仲調劉杜三客白門

可想其境

千山薜荔漾舟輕繞入湘中無限情長笛遠煙平楚晚澹雲  
涼月夜江清香吹漁子還家路鳥轉遊人去國聲幾度春風  
芳草綠只今猶共空鴻行不欲一空人見其性

湖上春霽有懷友人

千林素萼待風開細草初生近綠苔雲夢晚燒獵騎出瀟湘  
春暖雁行來精思每憶桓譚疾痛哭能無買誼才悵望關山  
空極目一枝誰寄隴頭梅風致直跨錢劉

送汪頴修還漢上

林鶯初轉正娛賓復憶沮漳二水春荷葉尚能傾酒醖柳條  
何事拂車輪好風日落吹遊子芳草河邊送遠人家近蜀山  
頓悵望夷陵土黑倍酸辛飄逸可喜

君信七言近體如羊棧嶺清泉北注茹溪水徑路南連歙  
郡城送李語齋之錢塘吳地江分三道入越郊人上雨高  
時舟中望徐仲霞所居別浦漁樵常共壑一家煙火自為  
村答吳旣閑舟藏凍浦人行少葉落平岡樹影寒春日隣  
飲數聲去雁孤村雨一縷晴霞二月花雨中尋毛翰如莊  
居層雲曉覆溪流上布穀春啼雨點中皆警卓之句惜未

全璧附錄于此

長沙晚春

楚國皆奇秀洞庭雲最多胡為江上客無奈晚春何潭影涵  
芳芷山光藉薜蘿紅蘭吹野艇白鳥下清波響絕軒皇樂悲  
連屈子歌自傷卑濕地聞亂復經過

澄湖雜詠

北風吹我去南浦采蘆葍小艇無人挈便從浦上宿  
一溪分嶺路十里入江沱小徑春風過落花容易多  
似太右丞遺調

廣陵詞

高樓燈火拂殘燵翠袖吳姬弄管絃彈罷連江寒雨曲夜淡  
人散廣陵船蘊藉

復州詞

草青煙白若為秋行客遙憐古復州最是荒庭宜牧馬材官  
多在市西頭怨而不怒風人之遺

送蜀中諸子之黔中

帆隨湘水折層灣漸入蠻夷君長間別酒未醒人已散城頭  
延望五溪山已造太白神境

自竟陵說行而風雅之道徵君信生于其鄉乃能矯然不  
從乎其說是真豪傑之士卓立於波流者世即欲強奉鎮  
譚以伸獨見恐不足當有識之一喙也  
余懷澹心無懷江南江寧人味外軒稿

同石苓登天寧寺塔

拔地插高標穹蒼接馳驟崔嵬削吳維峻極屹乾首金莖吐

青蓮玉柱迴丹鷺烈風吹石門憑空怖窗牖傾耳奔雷霆天  
海相戰鬪瀛壺樹影懸洪濤擁川后羣山排芙蓉城堞錯如  
繡依稀一鈴語似欲驚鼉吼側聞楚禪師一磚誦一咒非經  
神力扶莫識坤輿厚我來拾百梯陟巔摘星斗摩娑龍女珠  
天花滿襟神塔成有龍獻珠天雨花之瑞也增詩唐人每多杰構此却處  
日

游天寧觀楚石禪師衣鉢歌

天寧西齋有法寶一衣一鉢傳楚老大幅白氎領微襞細紋  
潤製工何巧國初貢自高麗王頒賜名僧古來少鉢形九寸  
髹以漆旁着四股相廻抱穿綴雕環貫以珠復以精銅冒其  
杪中有波浪翻枕椰餘地黃金嵌香草二物收藏三百年江

說山原委

花○海○月○含○文○藻○夏○鼎○商○彝○久○淪○落○珠○襦○玉○匣○終○難○保○萬○事○傷  
心○空○野○燼○對○此○茫茫○色○枯○槁○山○谿○鹿○過○鳴○蘿○鐘○門○外○松○花○落  
如○掃

對此古物那得  
不有滄桑之感

拜于忠肅公墳

今古錢唐割昏曉江潮怒嚙英雄老松柏森森北斗低忠臣

塚上無啼鳥隔湖月照鄂王墳淚灑兩朝冤少保憶昔景泰

年間事隻手扶天助天討司馬門前鐵騎寒居庸城外攬槍

掃誰知徐石爭奪門南內鐘鳴還大寶碧血淋漓濺西市青

山白骨埋煙草靈旗晝展鼙鼓喧遺殿鬼戕萬花繞山鬼一

脚不敢出始信思魂獨縹緲我來拜公公豈知孤舟落日西

陵道杜鵑叫罷行人稀銀濤白馬歸華表

忠魂毅魄  
如在林太間固

慎果堂篋

是筆端有神  
章法獨道

游弁山資福寺呈霞胤師

一片風篁擁翠微，晚鐘初動白雲稀。  
谿邊細草薰游屐，石上秋花點衲衣。  
永夜松聲山鬼嘯，諸天梵唄鉢龍歸。  
趙州茶熟人人醉，臥聽空林木葉飛。  
資福為北山幽麗地而霞公又工詩愛客僕曾阻兩信宿其中至今夢魂猶戀戀蒼巖翠靄間也

由畫溪經三箬至合溪

畫舫隨風入畫溪，秋高天濶五峯低。  
綠蘿僧院孤煙外，紅樹人家小閣西。  
箬水長清魚可數，篁山將盡鳥空啼。  
桃源不是無尋處，楓葉紛紛路轉迷。  
行到水窮雲可生，谿橋重疊殼紋平。  
荻蘆風起飄漁網，桑柘

影稀聞犬聲，樹杪船歸山市散。  
灘頭砧急夜燈明，綠篔簹  
閑來往最喜無人問姓名。  
二詩筆姿幽艷能傳山水之勝

登碧岳

拖條竹杖尋山去，坐嘯高寒第一峯。  
正喜埜花開蘚徑，遠愁楓葉響霜鐘。  
珠簾噴雪天常雨，石壁排空地有龍。  
只待懶殘煨芋熟，柴門應見白雲封。  
菌次屢為僕談碧岳之勝僕愧未之登也讀澹心詩如置身樓

峯巖洞間

秋日游碧浪湖夾山漾

西園山色鎖寒煙，歌舞隨身絕可憐。  
雪似茗花雲似錦，蓬窗推人白鷗天。  
雅淨如拭

城南春眺

誰家芳樹嘯啼鶯古寺平坡細草生欲問齊梁舊風景江流  
環進秣陵城意在言外此唐人斷句三昧

上巳雨中看花作

棠花開盡又梨花燕子春波蹴尾斜何處繡簾彈錦瑟美人  
寒食又天涯不勝紅袖他鄉之感固是名士

金陵寺看花

亂山蔥龍歸路迷岸柳墻花翠葉低竹外斜陽天外月照人  
分手石城西此境亦豈復易得

西陵詠古竹枝詞

岳墳玉環

隗家畱得岳家墳寒食年年哭墓雲看取玉環叢九曲橘花

如雪灑將軍

公遇害時獄卒隗順夜半負公尸潛瘞九曲叢殉以玉環種雙橘識其處

慶忌塋鐵棺

誤識要離歎不難石潭風雨夜深寒塋邊啼鳥秋郊哭漁父  
何時見鐵棺慶忌爲要離所詐順風刺之歟葬石潭每風雨盛時則鐵棺浮出

閻妃功德院法堂鼓

竹院閒過綠到眉滿天松梵影參差六陵真骨知何處畱得  
閻妃一鼓皮理宗溺閻妃建功德院望青樵採民不堪擾有人書法堂鼓皮以譏之

玉泉箋

玉泉箋紙壓西湖宣祖風流絕代無記得曇超曾說法池魚  
五色照浮屠曇超說法撫掌得泉泉左有石池產五色魚宣德間詔置白紙局以供上州

麴院官釀

詩見初集  
卷之三  
中藏稿  
慎墨堂錄

白馬紅羊冷劫灰。柳絲如線舞荒臺。最憐南渡風流盡。澗草

松花掃不開。麴院在九里松旁。宋南渡時。取金沙泉水造麴以釀官酒。數詩皆可備西湖典故。不備風調之佳。

釋空昱。劍叟。湖廣蘄水人。天外遊。

### 與錢牧齋宗伯話舊

燕市秦淮話渺茫。空餘殘淚灑衣裳。好尋一片清涼地。破衲

### 東徐元歎山居

聞道山中落木菴。六時鐘磬禮優曇。擬攜瓢笠招尋去。無數

青猿叫水南。二詩清冷。正爾讀。

張琴。桐僊。耐峯。江門泰州人。塞外游草。

### 彈琴峽

峽在八達嶺

千峯泉共流至此。山獨逼怪松無寸土。隨勢恣曲直。小石

豺狼大石奮羽翼。纍纍數轉問水石。相崩迫。驅車夏。日還如

聞人太息絃急似欲續。靜聽心惻惻。上鐫彈琴字。年月絕不

識此地。兵盜後。道路久榛棘。遊者固日稀。行者徒匍匐。風酸

畏虎至。何敢緩行色。回想千古人。賞心渺八極。

同者能以真氣相。取故語語語懇篤。

### 宣署襍詩

宣鎮多崖谷。邊樓向曉開。馬隨鬐策去。人坐駝來。火井傳

青電。山煤煖綠醅。客中寒欲起。殘角數聲哀。

閒來登曠閣。愁極望平蕪。稽落山川舊。穹廬草木殊。聲聲臨

水飲鵬鶴逐晴呼。四塞皆荒壘。何人耐阮途。  
鄉國何時別。橋山醉後醒。客中愁易老。塞上草難青。風雨圍  
甌幕。塵集幔亭。無勞悲戰伐。吾道托鴻冥。  
全從子美秦州諸詩錄鑄

雪夜宿懷來城

孤城寒早閉。客舍雪初侵。乳酪山前味。琵琶塞外音。爨煙無  
處白。峯色總成陰。南望居庸樹。愁懷自不禁。

睥睨窺荒漠。曾屯十萬師。鐵牛橋欲斷。石柱堡猶支。度嶺迎

春雪。投城接晚炊。朔風驚客夢。淒絕是天涯。  
懷來橋上有鐵牛十二石柱堡名

居庸關

春寒匹馬度。居庸九塞雲。邊出萬峯西。屬太行盤地脉。東隣

碣石繞提封。黃昏鞞鼓疆場暗。白日荆榛雨雪重。蛇勢蜿蜒  
天下最守臣。何以護崇墉。  
作此等詩雖欲爲清婉亦妮之音而不可得矣然非手筆雄潤

者終如儒人不能關強弩耳

下花園早發  
在雞鳴山下遠后遺址尚存

雞鳴山下未鳴雞。曉指長途北斗低。遼后園中雲淡淡。烏桓

帳外雪淒淒。峯巒暗轉疑。豺虎墩堡斜傾絕。鼓鼙眼底客愁

拋不盡。苦吟直過石泉西。  
結得有力

渡桑乾河  
源出洪濤山下與金龍池合流東南入盧溝河

驅車何意渡桑乾。二月堅冰照日寒。絕壁萬重遮上谷。迅流

一派出呼韓。烟生野路黃塵暗。石轉懸崖白雪殘。急欲過關

聞道德不辭地險縱風翰。  
筆墨堅整

塞外春雪未消思歸闕地種竹

今歲春光一百二天涯無日無窮愁女墻積雪時時在古礪

融冰細細流萬里雲煙棲朔漠半生瓢笠托滄洲海陵草堂

得歸去多種新篁慰倦游

純學少陵

大翻山始皇徵王次仲不至欲檻車置之不知仲已化鳥去矣

異人王次仲能變蒼頡字大鳥已神舉秦皇檻車至

言外有訊

意諷

碧桃亭址在懷來去雪興亭里許亦遠蕭后所置

昔年遊玩處栽盡碧桃花春風猶昨日廢址屬誰家

問得妙

寶雲殿在上都

移暉上都城殿前列旌羽寶雲名尚存玉瓦埋黃土

昂兀刺倉役宜人為之

開倉境外勞今藉丁男力丁男無一存倉上長荆棘

二十字抵

張籍一篇長樂府

野狐嶺在萬全右衛城北三十里風能吹雁墮地紀實也

峻絕野狐嶺猛風終夜吹雁飛墮地日戍卒未還時

土木驛懷來城西

闍寺意一行朝臣多北去煙沙撲面飛當日蒙塵處

曠閣在宣府署中

愁時獨登臨萬里皆雪積閣外有空山閣中多鳥跡

荒涼寫盡

○五言絕全以含蓄不盡耐人思索為佳少陵雖老手恐此處猶遜太白摩詰諸公也桐仙直造勝境豈不令人歎絕

雪夜聞笳音

龍○寒○吹○笳○天○欲○低○春○風○送○雪○晚○淒○淒○相○逢○共○是○南○來○客○滴○淚○  
空○堂○聽○馬○嘶○  
末句是聞笳時苦境若只說聞笳反索然矣

山東道中雜詩

玉○皇○臺○閣○自○崔○巍○空○鎖○羊○流○映○落○暉○傷○晚○鐘○聲○林○杪○出○遙○知○  
花○裏○道○人○歸○  
極

齊○東○只○有○黍○離○離○近○日○徵○輸○異○昔○時○寄○語○縣○胥○無○太○迫○待○將○  
野○蘭○細○抽○絲○

張○夏○諸○峯○舊○改○名○車○塵○何○意○竟○澄○清○昔○年○豺○虎○縱○橫○處○五○鼓○  
聞○雞○放○夜○行○

郊○民○種○樹○細○商○量○半○畝○荒○丘○亦○幾○行○莫○訝○枝○枝○皆○愛○惜○全○憑○

梨○棗○上○官○糧○  
桐僊里居游歷所見國計民瘼必形之詩歌蓋深心用世之人自不徒以花月自了也僕

選詩亦亟登此種期採風者擇焉萬斯備允誠浙江鄞縣人

訪兀菴上人○不遇○留贈

千○春○名○勝○地○結○伴○此○同○行○積○霜○銷○初○日○高○峯○出○化○城○爐○香○寒○  
不○散○雪○擁○澗○長○明○何○事○松○窗○下○空○留○折○脚○鐺○  
悠然雋冷

嘉禾寄懷巢端明先生山居

戎○馬○徧○南○國○荆○扉○獨○隱○淪○琴○書○娛○白○髮○板○蕩○失○青○春○世○事○去○  
閱○老○生○涯○阮○籍○貧○向○來○高○蹈○志○寂○絕○更○誰○隣○  
疎情高氣口立雲霞之主

過太白亭弔孫山人墓

歸○途○又○是○夕○陽○天○挈○伴○還○來○訪○墓○田○松○竹○一○區○依○逆○旅○壺○鐘○

言夢初集 卷之三  
百代重遺編。空山木落啼猿。狹小院雲深。宿杜鵑如此風流。  
○滑○楚○  
應不少斯人。乞得姓名傳。  
○全詩雅淨結意更自邈然

韋人鳳 六象浙江武康人

過太白亭弔孫山人墓

坐看萬嶺對斜曛。策杖還尋處士墳。一代詩人今尚在。千秋  
絕唱定誰聞。荆榛斷壑流殘雪。松杪空亭捲暮雲。莫謂高峯  
長寂寞。摩碑猶自重遺文。  
○中有太白呼之或出

吳崑 西崖江南華亭人

送宗梅岑歸東原

朝眺東原水暮望東原樹。東原秋色何蒼茫。落日漁樵橫野  
渡。宗資卜築家。其中門前有水徑。有松草堂十畝半。脩竹廻

溪曲折開芙蓉。芙蓉脩竹紛瀟灑。野色煙光接村舍。讀書其  
中幾十年。五車二酉文瀾瀉。登高作賦人所稀。惟君嘖嘖令  
名歸。久擬鵬鶚秋空去。何意文園尚布衣。今年挾策向京洛。  
氣冠天人珠錯落。可憐賈誼偏屯遭。一棹歸來轉寥廓。吁嗟  
○忽○然○外○長○嘯○聲○振○林○木○  
丈夫生長七尺軀。達則功名事業輝。天衢不然放志在丘壑。  
區區得失焉足拘。白日欲沉山鬼笑。鳳鳥無聲寒鴟叫。古今  
世事那可齊。吾輩窮通付長嘯。我亦天涯遊子身。與君相遇  
即相親。英雄失路人所惜。唾壺擊破莫沾巾。君不見杜陵茅  
屋浣花溪水竹。幽深對鳥啼。又不見子真棲遲傍谷口。日夕

煙霞照戶牖。昔人踪跡雖云遐。曠達胸懷差與偶。君今歸上  
東原舟。芳草斜陽杜若秋。北牕高卧白石爛。起對南山且飯

牛  
梅岑讀書東原足跡罕至城市而聲名震動遠邇惜尙  
遲雄文之薦宜西崖之贈詩慷慨也至此詩之起結頓  
挫一一有法  
固爲佳篇

寄京口友人

煙雨晚泠泠。懷人夢欲醒。潮吞揚子白。山入潤州青。文字留  
詩聖。風塵寄客星。相思隨去鴈。斜日渡沙汀。

讀宗梅岑芙蓉集題贈

考功風雅後。詞賦獨清標。曠逸空三謝。鉛華洗六朝。青精僊  
子飯。明月美人簫。今日淮南曲。秋風桂未凋。  
筆姿妍雅有珠樹臨風之况

題宗梅岑東原讀書圖二首

晴出尋幽雨種花。門前踈柳似陶家。秋風吹落千林葉。不設

山翁幾日茶

剡溪分得一枝藤。閒畫東原樹幾層。何日西牕同對酒。綠煙

踈雨話篝燈。  
二首極似皮陸

韓魏  
式靈醉白江南江都人

同孫豹人宗梅岑汪季用孫懷豐遊紅橋二首

微風吹雨晚生寒。人倚河亭九曲闌。望遍橋南與橋北。桃花  
歷亂李花殘。  
續紛可愛

夾岸酒帘飄出樹。隔簾人影坐當鑪。年來種盡垂垂柳。一任

春風啼鷓鴣。  
與阮亭綠楊城郭是揚州同妙

桑牙  
楚執雪薈江南江都人

宗鶴問歸自兩河賦得客從遠方來

客從遠方來相對悲離別。援琴不成聲一絃中斷絕。破涕勸  
爲歡舉杯且長歡。三更夜氣涼孤燈倏明滅。激蕩發羽聲不  
禁耳雙熱。何用積黃金還家問吾舌。驅車更適梁。母畏黃河  
雪耿耿此心期。迢迢赴車轍。

音節斷續  
自趨壯涼

### 春雨客秦淮

兩月天恒雨含悽坐小樓。那堪更作客方信有離愁。曉霧連  
山沒春潮入市流。板橋垂柳外我擬覓歸舟。

情韻是江  
左之高者

### 登功德山觀音閣

不盡青山路停車更晚游。浮生過野寺古道入迷樓。鳥動雲  
間影江浮樹外流。數峯遙望處片片布帆秋。

吐辭  
雋勝

### 九日卽事

登高仍舊事載酒上孤卿。秋老前山寺江青隔岸峯。霜遲留  
木葉水潤汎芙蓉。咫尺南朝墓蒼雲隔幾重。

規度不殊  
便已超邁

### 上元感懷

莫羨龍川蠟影明百枝曾照廣陵城。堂前酒氣穿簾出樓上  
春心逐日生孤坐至今蓮漏永一龕如舊佛燈清。六街猶是  
當年路不聽梅花落笛聲。

耶

杜書記十年薄倖暮年便有支  
離憔悴之感是執所歎將無同

### 蜀岡夕望

十里西山日漸昏。憑高一瞬盡乾坤。河邊金塔沉雙影。江上  
青峰隱數痕。戰馬爭嘶新戍壘。歸鴉閒數舊宮門。錦帆玉輦  
今何在。惟見烽烟起暮村。

君言愁我  
亦欲愁

送王椒郤之崇川

霜落寒河水不流。崇川風急下孤舟。魂消南浦江淹別。夢繞西亭許晦愁。戍鼓淒涼沈島月。海雲明滅鎖滄洲。談天客去悲長夜。轉望臨邛早倦遊。

頸聯警  
結束韻

江舟曉發

空江落月已殘更。卧聽中流擊楫聲。燕子忽來隨水渡。魚鷹衝起掠舟行。海雲正合潮初湧。山樹微分日漸生。野寺漁罾看過盡。丹霞漸起石頭城。

全是畫  
筆皴染

春日登平山堂

不堪藉草酌流霞。何處樓臺帝子家。野馬有塵能蔽日。春河無水但橫沙。猶懷學士歌楊柳。似聽宮人怨落花。十里平山

蕭鼓歌還陽我醉欲三過

風詞

雜咏

風塵未與一時間。縱飲旗亭酒氣闌。潦倒伶官爭度曲。教人何處覓雙鬢。

門外垂楊綠已齊。閒心一片聽黃鸝。那堪萬縷千絲外。十二紅樓隔水西。

哭仲渭干

螺烟閣冷海山中。今日離魂返故宮。搖落人間芳草樹。虛樞

樓然雜讀  
歲紙響秋風

洞庭波下葉蕭蕭。江左才華玉樹彫。不復連床咏風雨。呼童窓外伐芭蕉。

痛極語却自韻。渭干詩才書法冠絕。一時乃溢先朝露。宜雪薌有人琴之感。

登騁懷樓有感

越調吳歌逼耳來，傷心欲覆掌中杯。朱樓十里茱萸渡，散作寒烟黯不開。動悽

聽隔院絃索

夕陽西度晚風涼，一曲琵琶隔短牆。漫擬崑崙誇第一，段師神調有楓香。用事極活

王鈞斜

平原芳草七香車，結佩明璫學內家。試上宮人斜上望，春風

韻甚一樹野棠花

從繁華說入寂寞讀之令人起悟

楚執風以風雅擅聲淮南而主持壇坫尤嚴正不阿近僕謬司選事楚執極意周旋而倦倦致書以濫收為戒則固同人所共佩也

季開生

天中冠月江南泰典人出關草

玉門感興

玉門關外俯寒林，颯颯驚濤海國深。巖巒積雪無冬夏，亭閣

浮雲變古今。誰遣羽書寬北顧，頓令鐵騎得南侵。援師坐視

英雄死，天地常懸慷慨心。激越

降臺縱飲月如霜，忽見飛驍襲大梁。後勁不聞環虎帳，中樞

早擬避龍荒。邊材入選推裘馬，俘獻誰知雜估商。休道玉關

天下險，曾驅十萬葬東洋。

俯仰往事言之沈烈正自足垂鑒戒

關前誌別

共嗟鷄肋，主恩全餞酒。蕭條轉授鞭，奄普灘平魚陣淺。句

離天濶，雁行偏不辭。馬骨埋邊雪，敢惜牛衣臥塞烟。今日玉

言○無○內○外○臨○岐○握○手○莫○潛○然

溫厚和平在此時尤難

尚陽堡卽事口號

新○燒○懸○崖○淨○積○莎○遠○隨○甲○騎○渡○柴○河○虎○頭○在○客○休○投○筆○鷄○肋

從○軍○漫○荷○戈○骨○肉○書○傳○遠○塞○少○林○泉○話○入○故○園○多○邊○城○老○將

秋○霜○下○夜○半○聞○笳○起○自○歌

振○臂○隨○呼○耕○戰○場○野○人○首○蓓○隔○溪○香○探○梅○舊○約○虛○雲○夢○采○蕨

新○歌○遍○夜○郎○回○首○中○原○今○牧○馬○驚○心○要○地○昔○亡○羊○無○棲○烏○鵲

知○多○少○啼○向○長○城○似○望○鄉

九○日○登○高○怯○望○鄉○誰○逢○籬○菊○一○枝○黃○巖○風○易○結○杯○中○雪○炕○火

難○融○被○上○霜○燒○遍○野○蓬○封○兔○穴○春○畱○池○芡○補○魚○糧○隣○翁○索○画

歸○來○晚○還○把○殘○編○對○夕○陽

風土情事俱悉

扶○杖○何○從○覓○好○詩○流○光○半○付○苦○寒○時○衡○門○盡○日○空○車○馬○冷○甌

連○宵○織○網○絲○痼○病○已○判○人○獨○棄○貪○閑○深○幸○地○相○宜○敢○因○雁○磧

窮○年○雪○悵○望○長○安○花○滿○枝

極自安分守道之言坡公謫海外時有此襟度

鑿○冰○十○丈○得○泉○歸○却○望○千○峰○白○雪○圍○海○岸○漁○樵○生○計○淺○天○涯

親○舊○過○談○稀○頑○山○入○屋○霜○連○枕○斷○壑○當○門○月○上○衣○狼○虎○乍○啼

兒○女○哭○夜○添○松○火○敵○寒○威

五○雲○長○繞○舊○皇○畿○萬○里○孤○臣○寄○翠○微○極○塞○有○山○多○北○向○重○邊

無○水○不○西○歸○鷄○鳴○夢○訝○參○朝○晚○烏○哺○心○傷○進○膳○違○寧○惜○熒○熒

沙○雁○影○難○隨○雙○目○入○關○飛

玉關之外水皆西流入海而情事悽激景物殊詭則其時與地爲之倘非有遷謫之行安能發出如許瑰異

初呈剩師

言○舊○初○集○卷之三  
窮○邊○携○手○忽○驚○猜○君○未○能○歸○我○復○來○兵○火○十○年○人○一○見○家○鄉○  
萬○里○夢○同○回○愁○隨○赤○羽○霜○中○接○悶○倚○黃○花○雪○後○開○破○衲○自○今○  
堪○結○隱○羊○裘○莫○問○子○陵○臺○  
塞外却與剽師相見固是奇緣

集郝雪海齋中用前韻

風○波○滿○眼○不○須○猜○愛○爾○能○先○逐○客○來○身○入○千○山○心○自○遠○吟○成○  
四○座○首○俱○回○秋○空○邊○塞○狠○封○冷○月○射○沙○場○雁○陣○開○慚○我○詩○思○  
今○更○拙○醉○揮○清○塵○約○登○臺○  
奇麗之語能令遼海頓生氣色

登鐵嶺三清觀

塞○嶺○高○登○興○自○如○獨○憑○筇○杖○探○山○蔬○巖○危○九○折○逢○僧○引○殿○古○  
三○清○共○佛○居○風○送○亂○蓬○荒○燒○遠○泉○依○破○褐○海○潮○餘○不○知○邊○塞○  
春○深○淺○西○望○浮○雲○鬱○未○舒○  
結得蒼鬱

送左大來先生葬

重○闕○不○禁○旅○魂○過○夢○裡○看○君○渡○塞○河○白○日○總○悲○生○事○少○黃○泉○  
翻○羨○故○人○多○荒○臺○啼○鳥○圍○松○柏○廢○苑○寒○雲○鎖○薜○蘿○未○遂○首○丘○  
須○淺○葬○好○畱○枯○骨○待○恩○波○  
此首竟成詩識

石洞寺酬順法師

倒○景○啣○山○海○氣○昏○正○逢○新○月○上○山○門○烟○含○石○脊○移○龍○谷○潮○轉○  
峰○腰○帶○鶴○村○坐○破○蒲○團○同○一○笑○耕○殘○碑○碣○莫○重○論○因○君○能○信○  
無○生○理○為○寫○遙○天○過○雨○痕○

遼陽道中

關○連○白○草○暮○雲○平○東○望○龍○樓○紫○氣○生○烽○羽○久○停○無○夜○哭○管○絃○  
將○動○有○春○耕○海○潮○仍○洗○殘○兵○壘○邊○日○曾○窺○大○將○營○隋○堞○唐○宮○

皆寂寞。惟聞山杵夜虛鳴。

壯而能實深而能老故為超軼不羣

### 香巖寺

幽人愛月夢還醒。皎月峰頭雲不扃。古殿明懸雙澗白。虛巖隱結萬松青。烟收石磴從麋宿。鐘散天門共雀听。不得遠公同一笑。徘徊深夜坐疎星。

### 龍泉寺

萬壑虬松起夕涼。振衣西望入蒼茫。窗開幽瀨三峯月。榻倚空烟九殿霜。隔塢山鐘流鹿澗。當門野水落魚床。豐碑破盡苔花老。古佛無言坐講堂。

### 喜剎師至

遠公久老住山心。拄杖穿峰散粵吟。過雨蛟龍翻絕壁。驚秋

蟋蟀亂虛砧。可憐舊夢依蓮社。誰寄新詩與竹林。真欲藏身冰雪底。空譚獨夜聽鳴琴。

絕域故人空山酬對應有此悽警之作

剎師弔孫西安先生墓先生諱蕡字仲衍洪武流之遼

左後竟坐藍黨誅於流地塋安山

子規啼斷故山春。萬里還來采蕨人。詩卷前生曾種禍。袈裟隔代忽相親。倘知塵世難容直。敢信文章可護身。寂寂孤墳平白草。好依鐘磬問高旻。

仲衍久沒得兩公而名如彰

### 寒夜偶成

祁連夜靜古烽墩。萬嶺雲收月到門。天地側身心自苦。風塵滿鬢舌空存。山容豺虎邨常冷。春近魚龍海欲溫。五斗松醪須盡醉。倚樓王粲向誰論。

此等詩前追少陵後駕北地知此者定不以僕為浪語

慎墨堂篋

慰吳雪帆

天心本自惜清風，一意全公公乃東。白髮當杯莫惜醉，高談遣日寧須工。出塵鷹豸羣應忌，絕塞絃歌道未窮。不復飄零愁李白，冰霜竟得故人同。  
雪帆言事慷慨頗有批鱗折檻之風而鈞黨之間輕于去就識者病之天中與之把袂窮邊雪涕勞苦固情之所激有不得不然者乎

觀獵後訪沈子

罷圍壯士氣還賒，萬馬爭驅東海涯。隔浦歸鷹千樹直，遙峰驚雁半行斜。獨番越調尋詞客，共典吳鈞向酒家。却羨休文能閉戶，呵毫雪夜賦梅花。  
壯麗輕秀此詩兼擅其長

昔客金臺與諸名流唱酬甚盛蓋無不傾心黃門者地望既高才華丕著而又虛懷延納以聯布不之懼能無聲譽騰起乎直言獲罪徙居窮邊而詩益精勁與古人敵可愛可傳詩不其一端與

曹貞吉

升六寶菴山東安丘人珂雪集

奇石歌贈李諫臣

吾聞海上蜃為市，雲車風馬成大觀。孤烟沒滅山吞吐，潮光

滲淡三洲寒，鼉鼉之窟神仙宅。千年靈氣常鬱盤，中有怪石

出天下，森然物象非雕剗。李生袖中蠕蠕動，欲出不出憂相

持為石者八，四其最。目瞠舌橋疑無端，其一老佛趺踞坐。宵

冥古洞從阿難，更有道士撐孤髻。一瓢一笠來珊珊，別為狡

兔撲朔走長林，豐草精神完石榴。一株垂兩子，虬枝老幹相

糾蟠滿堂大，叫稱奇絕參差入眼真。琅玕寧數蘇公虎豹首，

素願靈壁空烟巒，乃知造化之功入微細。誰為藻潤施青丹，

告李君珍什襲，無令飛騰踴躍歸滄瀾。蛟龍失寶非所願，

言初集 卷之三  
尚有風雷逼夜闌  
筆力天矯聳異前  
惟子美後則空同

渡澠水

向道韓王壩遺踪尚可求  
橋橫殘照出雪壓大河流  
斷岸餘衰草寒風上敝裘  
雄圖今不見匹馬慎淹留

日照道中

曉起空濛宿霧遮  
遲迴漸覺海生霞  
一天霽色迎朝日  
十里潮聲捲落沙  
寶氣疑從鮫室盡  
颶風忽動蜃樓斜  
三山縹緲知何處  
漫想安期棗似瓜  
望去寶光陸離知為偉構

遊采石登三台閣

絕頂孤峯一徑幽  
萬松深處見重樓  
芳洲忽送三江碧  
釣艇全疑幾點鷗  
地近星辰分嶽氣  
山連吳楚枕寒流  
扶筇欲結

長林契鴻跡冥冥不可求

筆墨都近自然

登岱

空岩積雪界深冬  
鳥道千盤陟岱宗  
鐘鼎有人尋漢碣  
風雷何處覓秦松  
雲中孤雀飛難定  
洞裡雙龍窈自封  
欲問仙源知近遠  
遙遙七十二青峯  
典穩處特見蒼辣

答翼辰話舊之作

忽忽春秋壓鬢絲  
那堪重話舊遊時  
山隨短屐雲成陣  
客渡長江雨半垂  
此日棲遲羞燕壘  
况逢寒食少花枝  
別君但負奚囊去  
月下孤舟有所思  
一往怙悵懷抱何其深至

金山

攀蘿直欲俯迢遙  
隔岸蘆聲帶影飄  
江氣尚浮三峽雨  
石根

空齒百年潮人天物色分高下南北舟航自動搖潭底蛟龍  
方睡穩莫攜簫鼓到山腰氣力欲撼金山

花朝得家弟過江消息

使者乘秋泛画橈重來不覺斗回杓花明故國初啼鳥人渡  
平江欲暮潮萬里山川供筆札一天風雨過金焦孤帆搖曳  
垂楊裡知在蕪城第幾橋讀舍人寄弟諸篇便想王司勳生客兄弟

贈柳敬亭

誰遣開元遺老在岑牟高座說興亡醉來齒頰還慷慨聽去  
鬚眉盡激昂洛下青山私上客鏡中白髮亂秋霜樽前莫話  
寧南事朱雀橋邊泪幾行今年秋于陳階六座間猶晤柳老意氣衰頽盡矣尚為一故人

酒出塞之涕讀此詩結句令我徬徨

送家弟之黔中

行人幾日過方城翹首南雲太息生三戶鶉衣還待幾十年  
銅柱乍休兵行間絳灌須溫語幕府殷劉有盛名草擬碧鷄不作尋常折柳語固自胸蟠武庫

得家弟途中報悵然有懷

青衫敗笠影蘧蘧難得平安兩字書天意定教寧貴竹人言  
君或似相如瀘溪五月初開瘴夔道千盤好吃車屈指秋風  
應不遠竚看封事到彤除雍容甚都

宣城苦雨

積雨踈林動客思宛陵春盡綠楊垂朝來歸興濃如酒怕上  
鼇峯聽子規何讓許丁卯

蕪湖觀競渡

夾岸垂楊映碧湍，隔簾時見影珊珊。最憐子夜笙歌後，更與何人半面看。  
僕過吳江有句云：不識吳娘何處住，垂虹橋外滿人家。王司勳歎以為佳觀，舍人作正同。

此風調也

樓舫簫鼓在中流，衣錦王孫樂未休。爆竹一聲烟霧起，親呼妖伎與纏頭。  
使君于此風流不淺

清明送朱錫鬯之揚州

風飄幾尺青帘子，雨溼一枝紅杏花。共向樂遊原上望，鈿車流水日初斜。  
只似作一首樂府而送別意在其中

朱淑熹 艾人江南泰州人

酬黃仙裳見寄顏平原書八關齋會報德記碑

束髮漫塗鴉，輒愛平原筆腕。鬼能縛人，奇勢不能出。顏公碑

版十數，通摩娑。日掛東園中，家廟多寶及坐位。直與大令爭

一路叙○置絕老路叙○置絕老

英雄聞有八關報德記，平生第一楷書字。此碑高豎宋州東

安史鋒挫田王功，州人戴德群加額。特向魯公求鐵畫，石幢

高一丈，其大可數圍。磨礪鐫十面，矗立何巍巍。火燒兵劫城

池，改乾坤幾度。更桑海，惟有顏碑巋。獨存青天紫氣常光彩

幾經耳熱羨客談，道遠莫致情空含。叔度論交三十載，遙貽

佳本同蘭茝。白頭狂喜舞復歌，相思江樹迷烟靄。  
筆力盤硬瘦峭

絕類少陵贈顧八分歌行

濟寧舟次奉寄鄧元固夫子  
歸興滿扁舟，輕帆滯驛樓。客中沽酒慣，春日看花愁。寂寞劉

黃策蒼茫杜甫遊十年知己淚飄灑汝陽流

能于姿度之中行其老法

最得唐人深處

廣平李子納姬吳門歸資偶缺予稍為解贈口占並送  
邯鄲佳麗地訪勝轉蕪臺買得如花女齊傾白玉杯  
鷄裘驚盡典油壁滯難回稍解蛾眉色歸帆取次開

柳敬亭自京師歸過訪吳陵感贈

時出子婿陳雁群札子相示

老病蕭條薊北回還過海國重興哀親看出塞人長別誰使

孤臣馬更來白髮賓朋雙涕淚黃蒿池館一樽罍當筵休說

元事何處昆明少劫灰

憶爾金臺蹤跡頻尺書淮水約垂綸依然懷袖難磨滅無那

西梁苦辛冷落任安偏氣韻淒涼優孟在風塵當時豈乏

陳遵客矯首朱門事又新

客秋過敬亭于維揚淚滿襟蓋為懿誦出關故也讀艾人二

詩沈痛慨激益使人徬徨不能已

陳志紀 雁群懿誦江南泰州籍江西吉水人

塞外歲暮枕上作

普天皆王土萬里猶比隣狂言不加誅蒙恩為戍民沙磧豐

田畝黍稷自耕耘荷鋤兼荷戈斥堠分所勤從來生肅理無

非天地仁荏苒歲云暮悲風響荒榛旅雁翩然南臣心拱北

辰百情久已遣忽夢入君門花磚鳩鷺集余亦列簪紳說書

侍講筵春殿香氤氳賜宴及儒臣芳醴沾朱唇復捧賜書歸

拜舞謝 至尊須臾山鷄唱殘月照衣衾方知戀闕情長夜

感精魂來朝值獻歲遙祝萬年春 盡投荒之職抒戀闕之情愴惻淋漓讀者神動

寧古春日雜興

謫居關塞遠忽忽又春深雪氣猶千嶂花光失故林○老○氣○  
射獵驅馬試謳吟宣室無由見虛懸待漏心○盤○響○

罪比丘山重恩同覆載寬○德○筆○凌○空○一行來絕域萬里見春寒邊草青  
難發關雲晚故看琵琶誰更奏暗引淚珠彈○是○塞○外○直○情○景○

自度陰溝路來從絕塞居鷓盤迴野色鴈轉望家書幕府雖  
加禮鄉園盡已踈舊時三徑菊蕪沒定何如○兩○語○

朝簪雖久潤塞眼望猶慙努力襄嘉運無勞惜故群猖狂逃  
斧鉞歡喜得耕耘○見○忠○愛○昨自春田返牛羊入暮雲○終○絕○  
○四○詩○感○恩○悔○過愛國懷鄉

情感備至其蒼渾老健則固  
滿成之餘讀書鍊氣所得也  
孫 孤 道護山東益都人

題周減齋先生讀書樓

我幾百尺樓盡開六朝山攬秀滄洲趣登茲曠心顏日夕度  
歸身孤雲映高閒何當啟生徒文酒一追攀不骨骨着画  
上講澹雋之

章耿光 子觀江南江陰人

白蒲鎮喜晤黃仙裳先是別于荆南胡夫子幕中

連朝狂喜偏難按為念伊人五載餘程子門前全立雪淮陰  
祠下遂分裾夢尋每逐孤帆路想到誰郵一紙書作合蒲塘

還望遠衡陽雁影近來踈子觀詩不多見觀此  
作想見天機清妙

汪士禔 左嚴江南江都籍歙縣人

人日集仙蕙堂懷趙星垣時為銅  
仁令

銅江春水懷人遠。正是花前對客時。酒釀黃柑浮玉笋。盤分鮮鱸切銀絲。聽鶯忽憶三年別。叱馭能無萬里思。百丈山頭應遠眺。蠻煙瘴雨滿天涯。

步驟合法神韻亦復不減

春日讌集懷王霜崖

時為石泉令

蜀剛尊酒何時別。又見春光改歲華。江上鯉魚難問訊。月中鴻鴈定思家。榕庭月落閒調鶴。石紐風清好種花。自是陰平烽火靖。年年滿水繞官衙。

華意雋遠能化典實為風華

詩觀初集卷之三終



